


廿三

正統八年至十一年



國權

癸亥正統八年

正月己朔免賀

鹽官談遠孺木著

壬戌勅廣東按察使郭智整飭綠海備倭軍務同都司徧歷
各衛葺弊興利仍與三司御史推都指揮或指揮智勇堪任
者以聞
勅總督雲南軍務兵部尚書靖遠伯王驥等擒捕麓川餘孽
浙江備倭戶部右侍郎焦宏兼福建備倭

丁卯上南郊

吏部左侍郎魏驥刑部右侍郎薛希璉通政司右叅議王錫
大理寺左寺丞仰瞻光祿寺丞張如宗分往順天永平河間
保定廣平大名真定順德鳳陽揚徐滁臧蝗種
夜火星青白光自張宿流游氣

己巳太常寺少卿兼翰林院侍講學士金問太僕寺少卿王
榮調南京

免淮安夏稅麥十五萬四千三百三十五石有奇

罷吏部尚書郭璉時六安知州游璧日郎中蘓鑑員外郎夏

瑜賂璉子亮求方岳事覺璧瑜遣氏鑑削籍御史孫毓等劾

璉婪鄙汚衡地遂勒免

庚午封初鑄襄世子初鑄寧鄉王初鉅棗陽王

禮部左侍郎兼翰林院侍讀學士王直為吏部尚書吏部左
侍郎魏驥調禮部

大理寺右寺正李從智為蘓州知府賜勅

麓川思機發遣弟招賽等來朝謝罪命安置雲南時其黨攻
芒市敗去

癸酉順德長公主薨駙馬都尉石璟

得斐章於大明門外俱利法司。上示刑部尚書魏源等仍命邏捕之。

甲戌寧波推官陳克昌為四川道監察御史

免宿州去年田租

乙亥安南入貢

壬午迤北使臣還賜書可汗賞賚之并勅諭太師准王中書

右丞相也先加賜

宣府操備署都指揮僉事王良督萬全都司屯種

甲申沙州衛右都督困即來來朝進左都督

前刑部左侍郎樊敬卒鄆城人年明敏有十賜祭塋進士歷官四十餘

乙酉夜大星赤光自鉤陳流天鉤後二小星隨之

丙戌赤斤蒙古衛都督僉事且旺失加為都督同知

二月亥朔武邑典史張贊為知縣雖任淺重民望也

己丑裁南京吏部員外郎四戶部主事九兵部主事四刑部

主事一併六部司務各一都察院司務各一司獄三大理寺

左右寺副各一左評事二右評事五司務一太常寺博士典

簿各一光祿寺典簿錄事各一署丞十二鴻臚寺鳴贊二序

班三十二

庚寅勅尚膳監內官曰供養若御膳并宮中食物毋不潔蠲
糞神而耗費

壬辰吏部尚書王直禮部署部事左侍郎兼翰林院侍講學
士王英仍直講

瀘州知州林道節為鶴慶軍民府知府鶴慶本土官高氏至
是罪絕改流官

免陝西貧民歷貸倉穀

丁酉晉府承和王濟娘薨年五十五謚昭定

進士劉益為兵科給事中賈恪為監察御史孟瑛李季為陝

部主事

戊戌淮王瞻塹來朝明日百官朝王於奉天門東廡

己亥在京文武官各置倉儲官吏俸米

作司禮監

庚子夜大星赤光自鉤陳流紫微東藩

癸卯免廣平夏稅千三百七石有奇

甲辰勅勞雲南木邦宣慰使罕蓋法等綵幣

丙午荆王瞻垌至京

右副都御史丁璿巡撫貴州

戊申代府宣寧王母徐氏夜擊世孫門屬甚世孫奔訴都司
命遣武定侯郭玘往諭因書賜代王桂

庚戌以荆王瞻柁以建昌山瘴求遷善地命遷撫州已改長
沙又改蘄州

辛亥曉刻大星青白光燭地自北斗杓流閣道五小星隨之
癸丑許鄭王瞻垓徙懷慶

甲寅哈密忠順王倒尾答失里瓦剌太師也先入貢

乙卯南京通州知州魏復請天下里置木鐸誦教民六諭如
國初舊從之

三朔午令戶部榜諭天下民流移境外願占籍其處者聽仍免
役三年願復業者記名優卹秋成遣之公私逋負悉與蠲除
高苑博興齊東久雨傷麥

守備獨石永寧左叅將都督僉事楊洪濼河逐山亦把禿河
擒那歹斬十級

庚申巡按直隸監察御史彭昂奏 皇上承 列聖之緒躬
履節儉子育元元甚大惠也夫何守令未盡得人夫水旱災
傷慮煩勤覆輒匿不聞聞有上陳部吏又以用匱不為停免
致凍餒貧困轉徙流移臣見鳳陽潁州一帶扶老携幼風樞

露宿者動以萬計詢其所自皆真定保定山東民日游荒稅糧等牧逋負者多有司不量情力且責償遠年賑米饑震轉切筭楚日加若不轉徙何以自存乞廷議便利凡天下旱澇之處一切應徵錢糧鹽鈔并學牧雜辦賑米悉皆停免仍取勘缺食之人土著流移驗口賑給自今殿最守令一以戶口增減為差上從之

夜月犯土星

壬戌連東都指揮使焦禮施聚守備寧遠義州

癸亥安南入貢

南京大理寺少卿楊復致仕

甲子封祁鏐鄭世子祁銳新平王祁銳涇陽王祁鏗朝邑王封祁鎬荆世子祁鑑都昌王封祁銓淮世子祁鏞鄱陽王祁鉞永豐王

己丑致書鄭王膳竣日比念皇考同氣至親久處封國特

召諸叔父宮眷子女來京不幸皇祖母遐棄痛何可言近叢王荆王淮王俱至叔獨疾不果來悵然在念茲遣內官郝順特齎奉金銀綵幣鞍馬諸物兼賜世子郡王郡主叔軍勉進藥食遠副瞻望

楚王季現薨王自武陵王進封年三十一謚曰憲

瓦刺也先王罕來歸授南京錦衣衛副千戶

辛巳進士姚夔包良佐翟敬為吏科給事中陳宜伊侃為工
科給事中

增國子監生饒米

壬申追封張興安鄉伯從其子安鄉伯安之請

癸酉荆王淮王還國

甲戌獨石關平衛并馬營堡召商中鹽

乙亥御製銅人胸穴鍼灸圖序

丙子左軍都督同知吳也兒克台改名克勤

丁丑南京右僉都御史張純上言宋臣包拯謂古禮七十致

仕所以優崇老成且開止足之端也歷代皆行國朝尤重切

見内外文官有踰厥紀亦或年及者精神昏晦在公日少請

急時多曠廢甚矣間畏清議勉告致仕吏部又以精力未衰

奏留如故彼此相蒙乞申明古禮有因循覬覦之輩許給事

中奏斥其荷重眷留無可去之義者自難繩拘上是之下

吏部先曉諭百官許其自陳自是多有致仕者

戊寅夜大星青白光自上台流庫樓五小星隨之

己卯昏刻大星青白光燭地自貫索流雲中後二小星隨之
癸未刑部尚書魏源致仕賜勅
復張序廬陵知縣食祿六品俸
浚州壩東港
免荊州河泊所逃亡歲課

乙酉戶部右侍郎王質為刑部尚書初命吏部咨訪廷臣尚
書王直疏王質及兵部左侍郎廉楚刑部員外郎劉廣衡監
察御史張驥以聞工部用質
復張慎盧氏知縣馮熙湘潭縣丞各加俸二級

浚州孟瀆白塔德勝等河

四月亥設雲南芒市長官司隸金齒軍民指揮使司初陶孟刀
放草從思任發至是來降授長官

己丑占城入貢

勅總督雲南軍務兵部尚書靖遠伯王驥等前報緬甸曰一
思任發於阿瓦城欲自貢章械至今云合官軍攻思機發取
孟養與之始械至爾等宜諭木邦及附近土官集衆俟秋進
師緬甸頗遠非夷兵不可爾等選萬卒從之其上方略以聞
庚寅翰林院學士蘭從善致仕

免鳳陽靈壁夏麥萬五千四百石有奇

辛卯右僉都御史盧睿參贊寧夏軍務代金灑

通政司右叅議虞祥為戶部右侍郎吏科給事中湯鼎為通政司右叅議

壬辰雙流典史蘓會為仁壽知縣左布政使邢旭薦之

癸巳臨安知府賴瑛為雲南布政司右叅政食正三品俸

甲午朝鮮貢鷹及方物

遼東指揮同知王崇以女直野人盜入鎮北山追及海西寨獲二人進崇指揮使

乙未錦衣衛指揮僉事王息為指揮使東寧衛正千戶王武為指揮僉事兀者等衛都督僉事刺塔為都督同知都指揮僉事木當哈為都指揮同知莽加為指揮使俱使兀良哈功

丁酉故安南國王黎麟子濬上表請封并貢方物

都察院右都御史王文劾少師楊士奇縱子宜斥上不問

戊戌脩武伯沈清卒清滁州人世燕山前衛百戶從靖難累指揮同知出塞進後軍都督僉事克恭將鎮大同洪熙初守居庸宣德中進都督同知正統四年脩京城門樓進左都督五年宮殿成封素附太監王振因營繕累陞貪淫無行賜祭葬

謚襄榮

唐子父旱造告於天地社稷山川諸神

行人王琳葉秦潘洪朱昇知縣嚴熙教諭張子初訓導汪澄
劉安史願難明為監察御史

壬寅鎮遠侯顧興祖管神機營定西侯蔣貴管五軍左哨
甲辰兵食中都皇陵松葉命捕之

丙午設女直成討溫衛初兀者衛指揮僉事晏得以都督刺
塔弟析居成討溫故立衛

己酉赤斤蒙古衛都督僉事且旺失加請建寺於也恪卜刺
其地近肅州總兵官寧遠伯任禮謂寺而不已且予之巢勿

許使報可

庚戌錦衣衛指揮僉事吳良言臣使海西見女直野人家多

漢人耕作詢之非被掠則逃亡也請榜諭女直野人俾宥罪
來歸從之

夜大星青白光燭地自天布流箕宿

辛丑刑部右侍郎楊寧母喪命奔喪復任

甲寅泰州判官王思旻議脩淮安西湖隄初光祿少卿王賢
淮安知府彭遠俱以為言命督漕總兵官武興等議取物料

於直隸湖廣江右於是思旻言朝廷設宮殿及文武官署不
役天下一人今奈何以西湖隄困民各處徵需且可罷從之
減延綏等處地糧初屯卒一人納糧六石至是減二石
五月卯朔開城王範地進封韓王恭王庶長子封蒙盛連世子
伊府勉望洛陽王

翰林院侍讀周敘上言比者天旱 皇上躬自引咎命群臣
齋求禱祠三日而雨然禾稼未大沾溉生民未盡滿望 皇
工倦 是念臣下所需欽承德意思陳闕政以消譴助理乃
共致憂勤効忠補過之疏未聞告老陳情自乞留用之章繼
進掌銓選者諏詢不審資格徒拘司國計者農桑生殖不加
勤而賦稅科征日見益軍士困於造作刑罰失其中正風憲
之激揚之公言官惟緘默之高至若僧道之流無益政教多
至數萬額溢十倍徭役乏人戶口滋耗蠹政傷和莫此為甚
又近年畿甸山東流民推原其故皆由守令不加矜恤或窘
衣食或迫征徭竊謂守令所撫字風憲司耳目風憲得人守
令自職尤宜精選方可望治 上示章諸大臣吏部尚書王
直等皆引罪自訟 上命加慰慎以副朕意
賑無為海門興化饑遣視文安旱災清苑雹災

丙辰江西去年田租半折鈔

斥國子監生袁鄙陳義等百有二人

壬戌進士劉華甫胡淵盧祥張雲翰為南京給事中

南京吏部尚書黃宗載致仕

甲子山東布政司右叅政孫子良致仕

丁卯免雲南屯軍通糧五十九萬四百石有奇

己巳定西侯蔣貴為平蠻將軍充總兵官都督丹保毛福壽

克叅將兵部尚書清遠伯王驥總督軍務徵雲貴川廣兵五

萬再征麓川初思任發走緬甸官軍索之不得蓋挾賊餌我

地也其子機發據麓川勢益雄故有是命

勞堪曰百夷之種麓川緬甸數一為梗元江永昌之外設

宣慰司七以統百夷以沐氏遥轄亦其設中事雲南之地

南以元江為關車里為蔽而連八百大甸西以永昌為關

麓川為蔽而連木邦西南通諸緬以底南海東南統寧遠

而界安南西北盡麓江而通吐番蓋南北重地沐氏世規

可世運不乏諸省惟雲南諸夷雜聚之地其為中華人惟

各衛所戍夫耳

夜月食

辛未倭寇海寧衛官軍禦卻之

壬申復周健全州知州陳嗣南昌縣丞各加俸二級

癸酉戶部分官往湖廣四川貴州理軍餉

甲戌光祿寺少卿宋傑兵科都給事中薛謙往封黎濬為安南國王

勅緬甸宣慰使莽得利木邦宣慰使罕蓋法孟養宣慰司大小頭目各發兵協討麓川

前山西按察僉事王琦服闋補四川

守備獨石永寧左叅將都督僉事楊洪為都督同知

右僉都御史程富往雲南督理軍儲

丙子定外遣先行人方進士時行人劉澐評禮部郎中葉泰

遣進士錢森伴送占城使臣非制尚書胡濙言往使瓦刺或

員外郎主事進士不專行人命定其制陝西道監察御史曹

泰言攷洪武二十七年五月行人陳升等奏定詔赦賞賜使

者祭祀賑濟軍務徵聘閱軍之類俱遣行人如奉特旨不拘

例遂准洪武行

戊寅雷震奉天殿鳴吻

己卯上報朝三日遣祭天地勅諭文武群臣曰朕顯之

誠不違夙夜上天垂戒厥有所繇典祀之官誠弗至與養民
之職政失當與軍旅之臣令過苛與銓選之任進退乖與爵
賞之行明公不盡與至於刑罰過雷尤干陰陽抑訴冤有詞
莫結不理指告有禁違例故行與或操不潔白受人賄囑或
聽不明公為人脇制誣枉平民傳至其罪與朕思省惕懼爾
群臣其即革心改慮勉劾自新天道顯明可忽違哉

壬午大赦天下

工部虞衡郎中王佑為右侍郎仍理各厥

六月甲申朔日食

勅大理知府劉烈屬官不法衛所官害民俱指奏

乙酉立南京武學

丁亥翰林院侍講劉球下錦衣獄被殺球上言臣按春秋居

心之所感天心之所應如響答聲如影隨形國家成敗興亡
靡不繫之桑穀而太戊政雉雉而武丁德旱虐而周宣懼三
君遇災脩行以動天地之遷比者雷震奉天殿陛下素服
輟朝下罪己之詔出省躬之言甚盛甚盛臣惟今日之急乃
有十日勤聖學自古哲后動與天合雨暘寒暑固不時若惟
能專志問學屏御無益心正而天從之臣願陛下多御經

廷少居禁苑教進儒臣講求至理篤精一之功極修齊治平之道曰攬權綱權之下移宵人預政也太祖太宗畏民勅天日三視朝順門便殿時君大臣裁決庶務疑則確之自折其衷所以權歸於上臣願陛下守二聖之成規復親決之故事母俾權移乃出宵人曰親正士諸葛孔明曰親賢臣遠小人先漢所以興隆也內外之臣賢不肖殊器皆駢臂錯踵受事陛下惟陛下察已詢人親遠惟精以追興隆之治曰選祀臣太常古秩宗也非其人不可以交神故堯命夷猶讓夔龍今太常卿貳久缺或不潔蠲宜精選儒臣使領其

職寅清端重明習典故毋後夷龍曰嚴覈吏近考察吏治責成布政按察二司及巡按御史徒具文爾吏無善政民多失業軍衛之臣為害尤酷誠宜選擇公明廉幹廷臣行天下無分文武官吏皆得考察片遞奸墨旌表廉異曰慎刑典古者人君不親刑獄悉付理官書曰予辟勿辟予宥勿宥惟厥中近法司上獄有奉勅旨減重為輕加輕為重法司畏卻不敢執奏慮囚之際多所觀望希合上旨枉實繇之竊謂一切刑獄宜從所上設有不當便命參聽聽不初罪初聽者又磚米納贖雖云古法然貪者幸免廉者蒙辜宜令文武臣非犯公

罪毋得入贖宥辟惟申曰罷營作土木之工不息則天地之
和不訢京師興作五六年矣雖不煩民顧皆役軍軍非民乎
須之禦暴用之力役人勞不蘓是亟宜罷曰寬逋賦比四方
災荒乞減租稅有司多行扞格或有聽准亦無實惠流徙失
業實可傷痛宜下戶部遇有報荒勘實量減安養流民毋俾
失業曰息兵威兵凶器也動必傷人如麓川連歲用兵死十
七八今刻夷未瘳又遣蔣貴總楚蜀貴陽兵以徠緬甸受其所
拘首寇思任發借彼為名果生得首寇以歸不過宣諸廷檄
諸市梟諸衢而彼且挾為功賞必求與地與則二夷角立其

勢坐大是增一夷也不與則怨是生一夷也臣每見陛下

憫錄死囚猶示曲原免為適卒今乃驅十萬餘眾無罪之人

而欲生得一失地之并止楚蜀貴陽兵初王璽遣新緬甸斬敵魁首即與厚賞亂寇兵爭無已傷人必多臣謂宜召還

蔣貴不煩生致仍令思機發盡削四面之地分與新附之夷

許以小職使仍麓川則兵不用而十餘萬生靈之命無傷曰

脩武備比年北入貢遣人歲增誠恐包藏禍心防備宜

豫莫若於京師邊塞數遣給事中御史閱督操備使措工各

厥及服役私家軍士悉就訓練公武舉以求良將定召募以

求武勇廣屯田收中鹽以厚儲蓄此十者皆今急務所以感

格上天招致太平誠在於此 陛下設誠行之殷宗周宣不足
法也 疏入下廷議或以所擇太常寺官可從令吏部推舉而
翰林脩撰董璘遽自乞為太常寺官太監王振以球為璘
地并下獄初王振憾球阻麓川之師錦衣衛指揮彭德清附
振勢張甚球以鄉人獨易之德清諷於振曰公知之乎劉侍
讀疏之三章蓋詆公也矯旨從朝班中捽球出下獄燬錦衣
指揮馬順夜殺之支解瘞獄中順以疾沒聞璘從旁匿其血
裙球子鈇鉞求屍僅得一臂球字廷振安福人永樂辛丑進
士授禮部儀制主事正統初實錄成改侍讀聞其死皆惜之
馬順子年二十餘病孱久困矣歎起捽順髮拳且蹴之曰死
老奴令而異日禍喻我我劉球也順再拜謝不可俄子死餘
妮布衣成器聞球事為文祭縣龍泉山上正統己巳贈翰林
院學士謚忠愍鉞廣東參政鈇雲南樓察使

馮時可曰劉侍講之言切甚至其受禍亦甚慘烈然得與
龍逢比干游於地下即九死何恨耶禍莫喻於振自此而
後有吉祥有直有瑾贛、其角或祖其術以行迨世廟
以還政地無侵虎豹絕跡則永嘉之功寧可泯哉
何喬遠曰李時勉枷也劉球死也而皆王振矯旨欺 主

工冲年甚矣予聞周新于謙死而見形精氣為物游魂為
變殆有之也球死正統中至今久遠矣其邑人王德新者
以萬曆初言事捕繫錦衣獄夜作鄉語曰君亦來此乎知
其精靈尚在也

談遷曰方忠愍工書時西楊待罪南楊獨當國何弗能救
也橫闔之勢張矣借董璘以濟之吹疵洗癥駕罪於貞
人剛士足杜一時之口而清議不沒徒自表其併耳噫以
文貞文定之夙賢不能裁一振他固無望矣汲黯所以難
社稷臣也

戊子進士黃裳熊璘尹禮劉福白圭魏貞韓雍芮剗劉懷曹
祥闔寬尹鉉劉賢強宏為監察御史辛浩夏裕潘英聞人謨
左輔王凱鄭敬呂昌楊觀左鼎為南京監察御史

戊戌復采顯懷寧知縣陳廉黃縣知縣

壬寅復馮泰大邑知縣食從六品俸

賑岳州饑

遣視邳州海州兩災徐州旱鄒辛蝗

癸卯吏科給事中姚夔請追謚故日南知州何忠今後大臣
無善否並如古吏謚禮部尚書胡濙等言請司職掌云公侯

卒有謚文武大臣卒功績顯著特謚令概謚非制何患已贈南寧府同知其謚惟工命遂已之

大理寺左少卿薛瑄賀祖嗣右少卿顧惟敬等下獄坐論因不實也瑄嘗會議東閣獨揖太監王振振告之瑄又忤右都御史王文友其案會校尉妻岳氏姿美弟嘗謂岳不遂而校尉死乃誣岳有他意成獄瑄廉之曰劾文詔奪文俸不伏謬言瑄得岳氏金遂磔岳論瑄死惟敬等降調一云王振從子山通納之安妻責妾持服不與山教妻告妻魔魅夫死者下獄史自誣服瑄三覆三天王文大怒承振旨劾瑄是古非今故異成獄有詔廷開瑄呼文曰朕問為御史長當慎避文怒奏瑄強囚不朕問理坐當死下獄

薛應旂曰文清之佐大理王振引之也當時若辭而不往豈不愈於抗而得禍乎此後渠隄子夢中所得之言也

乙巳刑科給事中廖莊雲南道監察御史張驥署大理寺事

丙午蠲湖廣正統五年灾租八十九萬石有奇

戊申進士林聰徐蘭為吏禮科給事中

己酉渾河水決固安命隄之

七月朔夜大星赤光自八穀流近濁後三小星隨之

乙卯大理寺左寺丞仰瞻成威遠衛坐噶薛瑄脫岳氏也

丙辰初朵顏福餘泰寧三衛人屢盜邊命錦衣衛指揮李鐸

往詰之於是朵顏衛都指揮使完者帖木兒福餘衛都指揮
同知安出泰寧衛都督僉事拙赤各謝罪 上勅勞之

戊午初國子祭酒李時勉於太學門王振掌諸監卽時勉無
加禮伺其伐文廟樹謂私官物矯旨同司業趙琬掌饌金鑑

並荷校監前蓋彝倫堂有樹元許衡手植以蔭翳芟其旁枝

耳初三日監生合監生徒三千餘人因從左右豐潤石大月獨工疏請身代助教李繼求

孫太后家會昌侯孫忠附奏始得解初時勉厭繼浮薄至是
得其助大用避魯初不為六館所知一時名動都下明年舉
北雍

古田縣久疫

庚申誅通倭叛人黃巖周來保龍溪鍾普福皆勾倭內犯倭
去潛留縣境被執

壬戌增福建布政司左叅政周禮右叅議竺淵浙江布政司

右叅議吳昇時各有海寇礦盜

甲子復周璘渭南知縣食正品俸

汴河水溢滑隄隨築之

戊辰瓜哇入貢

辛未雷震南京西角門西角樓獸吻

大同巡軍至沙溝驟風雪裂膚隨指二百餘人各人給毛襖
癸酉命山西布政司督糧叅政阮存同清軍叅議尹弼兼督
有司招撫逃民

乙亥蠲山東竈戶逃課

己卯訓道夏誠左景金愷姚鵬為監察御史張永儀津為南
京監察御史

沈榮嗣脩武伯初沈清子鑑天榮其外婦子預托中貴得嗣

辛巳勅瓜哇國王楊惟西沙三年一貢毋數蓋廣東右叅政
張琰言頻貢勞敝中國也

壬午脩國子監

慶王秩燿進瑞麥嘉瓜盧龍縣進瑞穀俱免賀

癸未朔右副都御史金濂為刑部尚書監察御史馬昂為右
侍郎

乙酉營國子監

戊子復故文亮海康知縣楊慶通城知縣進慶從六品俸

庚寅免鄒平蒲臺商河災租

壬辰復宋儒周敦頤程顥司馬光朱熹子孫以順天推官徐
郁言之

脩置府大同屯堡

刑部尚書王質降戶部右侍郎左侍郎郭瑾降潯州知府杖
刑部主事王彰司獄王溫張森成威遠衛主事王儉削籍即
中唐連員外郎丁芹主事羅瑛俱降黜時刑部盜趙獄賈等
俱下都察院至是獄上

乙未安成大長公主薨駙馬都尉采瓌

處州盜夏景輝等伏誅

丙申蒲州判官張蕪為知州以惠民擢之

丁酉總督雲南軍務兵部尚書靖遠伯王驥奏緬甸宣慰使

卜刺浪馬哈省約今冬送思任發於貢章臣先遣指揮使李

儀等進兵南芽山直擣貢章伺敵大兵繼之俟任發至合木

邦兵夾攻報聞

戊戌行人陳鑿為雲南道監察御史

己亥刑科給事中廖莊御史張驥為大理寺左右寺丞

巡撫遼東左副都御史李濬致仕

辛丑逮南京廣西道監察御史王復以貪淫不法遂劾責南京部

院大臣率屬遵戒復下錦衣衛得實戍鉄嶺衛

夜火星犯鬼宿積屍氣星

丁未進士宋儒為禮科給事中張瀾監察御史
大理寺少卿孫璧卒

己酉前太子賓客國子祭酒兼翰林侍講胡儼卒儼字若思
南昌人好學博覽洪武貢士歷華亭長垣餘干教諭已

卯薦授桐城知縣永樂初解縉薦其文遷翰林檢討尋進侍
讀直閣甲申進左諭德未幾拜祭酒唐寅從北征命署翰林
院輔導太孫洪熙初致仕儼持正善教嘗楚試拔楊溥登
科甚期之人謂其知人議論微蘊飭慎早退有足多者
是月台州大雨水

九月子朔夜大星如椀赤光自華蓋流紫微西藩二小星隨之

癸丑祠鎮遠侯顧成於貴州

乙卯聞危刺也先遣三千騎攻哈密益兵二萬欲掠沙州赤

斤及肅州勅邊將嚴為備

丁巳仍命監察御史丁璫王通清軍陝西山西

戊午南京太僕寺丞韓進秩滿以廉勤仍任食正五品俸

癸亥夜大星赤光自參甯流游氣

甲子總督雲南軍務兵部尚書靖遠伯王驥奏思機發求款
臣約至南甸騰衝須月至 工許之

南海子奪民芻

己卯夜大星赤光自北斗魁流鉤陳

庚辰韓府進士奉祠正周禮為右長史從韓王範乞之請

十月午朔勅禁內官內使私結外廷囑託營求

勅戒內外官交通作弊畏勢圖賄致那移文武銓選出入囚
罪勞散軍民

禁私藝南海子

癸未增戶部雲南司主事一專督御馬監芻蕘

丁亥內使張環顧忠為蜚章責數王振罪事覺下錦衣獄以
誹謗磔於市令內官俱出視

庚寅作光祿寺牲房

辛卯武城後衛帶俸都指揮使王斌為署都督僉事協守延

綏懷慶衛指揮僉事蕭敬為署都指揮僉事協守涼州初兵
部同成國公朱勇等試武臣斌敬俱能對策騎射餘六人不
善對策

壬辰周王有嚙言先祿二萬石今止萬石不贍命給萬四千石
餘折鈔

癸巳兵部左侍郎鄭辰予告雲南左布政使應履平致仕

乙未夜大星赤光自五帝座流紫微外籙
唐子免稅源鹽城清河去年災租二萬三千七百三十餘石
勅諭尾刺也先勿侵哈密還其王母
昏刻大星赤光自西南雲中流雲中
癸卯夜月掩軒轅

己酉增御馬監倉

唐成長清典史何聰為長壽知縣聰先以長壽典史憂去除
長清而長壽人請闕以請從之

增浙江布政司右叅政督巡海道

懷安教諭丁泰亨為廣西道監察御史

十一月朔日食

許彬服闋補翰林脩撰

癸丑廣東海面衛指揮使石聚入朝宿妓成威遠衛

甲寅復紀振武學教授時秩滿改吉安武學生留之

遣視黃巖樂清水災

戊午禮部左侍郎魏驥調南京吏部

己未右僉都御史王翱為左副都御史仍提督遼東軍務

乙丑迤北尾刺脫不花王等貢馬

丙寅 參政俞士悅為河南右布政使孫原貞為浙江
左布政使 科給事中楊信民為廣東左參議

賑巢縣饑民稻五千三百石有奇

夜月掩木星

戊辰監察御史刷陝西山東山西案牘

己巳巡撫山西右僉都御史羅亨信改遼東監察御史李純
仍理屯糧

御馬草場火御史會劾戶部尚書王佐左右侍郎王質焦宏
罪不問

庚午夜土星犯井

辛未汝州妖人張端伏誅

故皇后靜慈仙師胡氏殂

己卯增各省按察僉事專理屯種

庚辰免安慶災租八萬五千七百餘石

是月千騎犯寧夏官軍追敗之白狼山

十二朔夜土星犯井

癸未學正劉泓教諭馮靖訓導潘楷盛琦為監察御史

免山東復業逃民田租二年

丙戌駙馬都尉焦敬受留守衛舍人賍被劾枷長安右門
戊子 靜慈仙師整金山每節太常寺例祭

談遷曰 胡氏以無罪廢 宣帝晚甚悔之而不及復終
於覆水覆華之寵潛移坤極迨 昭聖賓天益加悽咽嗟
予情之所鍾金屋不足喻其榮增之由來長門不足宣其
怨雖霜露之感切於杯土孰與迴永巷之車也

壬辰兵部主事甄讓為宿州知州讓初判宿州見思至是宿
州衛卒伏闕以請

癸巳蠲南京通州災租三千四百六十九石

丙申均配兩淮鹽塲分上下便商販

丁酉國子監成

進士魯文為刑科給事中甘澤為監察御史

乙巳開封知府黃璿以子阜配周府汝陽王女被劾閑住阜
兄平吏部文選主事

丙午錦衣衛指揮同知丁全往祭故沙州衛左都督困即來
赤斤蒙古衛都督且旺失加

戊申吏部郎中夏衡為順天府丞仍直內閣
免順德災租

是年巡撫周忱奏松江賦役繁重以濶白三梭布一匹准平
米二石五斗加一斗津費二升每匹長四丈二尺重三斤兩端織紅
一升加津費一斗二升每匹長四丈二尺重三斤兩端織紅
紗防盜萬華亭細布萬六千一百八十匹五匹直六錢一分
粗布四萬八千九百三十匹
五匹區區值二錢上海同

甲子正統九年

正朔亥朔夜大星赤光自霹靂流近濁

甲寅都察院右都御史王文巡視延安寧夏

戊午尾刺貢使都指揮僉事把失罕卒於會同館諭葬

辛酉工南郊

甲子刑部員外郎丁芹降 知縣主事羅瑛李泰趙倫降

衛經歷時失囚

乙丑周府汝陽王有燦薨年四十九謚恭僖

翰林院侍講曹錡為學士

寧夏總兵官後軍都督史昭卒

己巳錦衣衛帶俸都指揮僉事陳友為游擊將軍

辛未成國公朱勇興安伯徐亨都督馬亮陳懷等分勅兀良

哈時三衛陰寇邊勇同太監僧保出喜峰口恭順侯吳克忠

佐之亨同太監曹吉祥出界嶺口亮同太監劉永誠出劉家

口懷同太監但住出古北口各領萬人期至遼河土河會遼東總兵官都督僉事曹義之師

癸酉勅戶部右侍郎焦宏治餉勅宣府總兵官永寧伯譚廣大同總兵官武進伯朱冕令參將朱謙石亨各率兵出塞會楊洪勦兀良哈或遇瓦剌入明諭以東往毋驚疑相犯乙亥免饒陽縣災租

右副都御史陳鑑秩滿為右都御史仍鎮守陝西瓦剌使回勅齊可汗并太師也先

丁丑大同左參將都指揮使石亨為後軍都督僉事內官韋力轉為都知監右監丞初犯延安亨追敗之金山擒六人斬七級

命鴻臚寺序班祁全往諭四川松潘黑虎等寨番族擒叛賊贖罪

召雲南總督軍務兵部尚書靖遠伯王驥還京

戊寅大理寺左右少卿賀祖嗣顧惟敬降知漢州光州

己卯兵部右侍郎虞祥往順天永平工部右侍郎王永和往鳳陽淮揚通政使右通政呂爰政往大名廣平左參政王錫往真定順德光祿寺丞張如宗往河間保定各巡視督捕蝗

種

孝陵衛指揮使蘓永善卒寧國大長公主孫

二朝已朔夜大星青白光自華蓋流至近濁

壬午右軍都督僉事毛翔卒

乙酉安定王布茶五百斤官運國師二百斤徒衆百斤俱自
運著為令

丙戌監察御史羅綺參贊寧夏軍務時右僉都御史盧睿疾
還京

遣內臣勞楊士奇卿子有違家訓干於國紀以祖宗之法

拘繫之卿其勉進藥食用副注望

戊子獨石永寧左叅將都督同知楊洪敗兀良哈安出等於
以克列蘓

夜月犯木星

辛卯脩武伯沈榮管神機營左哨

壬辰鎮守延綏都督僉事王禎降都指揮僉事寧夏左叅將
都督僉事丁信降都指揮使右叅將都指揮僉事王榮降指
揮使陝西按察副使陳斌降按察僉事餘請遣有差去歲
千騎入延安定邊營諸將怯敵失事

許廣西養利州判官汪浩久任浩善撫民頭目趙四乞永任
吏部難之請上特從其請

癸巳故赤斤蒙古衛都督同知且旺失加子阿速為都督僉
事

甲午暹羅國云人或替下入貢

乙未左軍都督僉事曹儉薦廣東莞縣河泊所官羅通文
武才不聽

丁酉守備獨石永寧左叅將都督同知楊洪為後軍左都督
右叅將都指揮使朱謙為後軍都督僉事內官韓政為都知

監左少監

戊戌朱勇等渡柳河經大小興州過神樹至全寧遇福餘衛
逆戰敗之次虎頭山及流沙遇泰寧朵顏又敗之

丙午湖廣布政司右叅議楊復致仕以復子譽選江夏王儀
賓

總督雲南軍務兵部尚書靖遠伯王驥上捷云臣等合木邦
等夷兵進緬甸累捷緬人載思任發於江上覘我復匿之欲
以麓川予木邦孟養裏里予緬甸始獻任發詭思機發致仇
為解乃縱兵搗思機發寨獲其私屬及從賊九十餘人象十

一隻班師

興安伯徐亨等敗兀良哈於土河川北

安鄉伯張安右軍右都督程忠卒

戊申濬鎮江常州運河

庚戌琉球中山王尚忠入貢

寧夏總兵官都督同知黃真等言奉勅逐下黃河灘東西袤

千餘里未宜輕動宜十月初會延綏兵出塞從之

增延安衛安邊營戍卒

三辛亥朔 工幸國子監

始復晚朝

甲寅瓦剌太師也先入貢

庚申重給暹羅國王鍍金印前燬

命廣西招諭桂林叛蠻

癸亥總督漕運官不得委武弁分管閘壩

裁湖廣興山縣併於歸州

甲子兵部尚書^{書徐}晞等劾太子太保成國公朱勇等出塞無功

工省之

少師兵部尚書兼華蓋殿大學士楊士奇卒士奇字泰

和人少孤游學武昌薦直翰林授府審理文皇帝初擢
編脩直閣進侍講東宮進兼左中允尋左諭德兼侍講
上北征輔東宮監國及即位進禮部侍郎兼華蓋殿大學
士歷少保少傅洪熙初兼兵部尚書宣德初漢庶人反勸全
趙即左右密勿工即位進少師士奇秉謙篤義論事存大
體在帝前表德掩瑕所推轂皆名士文謹嚴有法卓然為
當世望贈左柱國太師謚文貞賜祭墓子植廕尚書丞

廖道南曰予觀沙羨稿石臺稿見文貞早歲所馳魁岸視
天下莫已若及觀國史暨三朝聖諭錄乃知管仲之才優
於召忽魏徵之績多於王珪輔亮東宮保全趙即歷事四
朝終始如一或者乃以周是脩之死子稷之獄少之則吾
不知也

鄧元錫曰予讀楊文貞公文如揖者宿老儒造次立談必
於道而儀度儼雅可敬也史記其語曰天下萬世之事當
以天下萬世之心處之大哉相言諸調劑輔拂功秉道守
一歸主於為德為民有以耳
何喬遠曰管仲晏子不死其君仲尼無譏焉孟子不顧管
晏然而不罪湯武也明興二百餘年三楊胡解蹇夏之勞

能爛然於紀載矣君子猶有不死其君之譏浮沉居位又
有不免些許者予考三楊若胡舉在建文之朝且士奇以處
士微胡廣以及第擢若蹇義夏原吉解縉則皆太祖之
臣靖難師入原吉居斬縉方謫還自小吏惟義列於六卿
耳太祖不為君用之刑在前矣士有抗志山林卧病不
出者誅僂其身冢故有斬趾免者有斷指免者佯狂免者
覺則未有不死也不則當若周是脩矣孔子不云乎柴也
其來由也其死者夫成祖以英武臨之於上仁宗父
子危疑之間漢庶人斃斃而從其後自非周詳慎密曷能
保位而終所志乎易曰臣不密則失君幾事不密則害成
苟錯諸地而可藉之用茅慎之至也蓋予觀楊士奇出迎
稍緩夏原吉一語婉諫繫獄隨之解縉廣詞直論其身之
不免諸臣所處難以論浮沉矣難以論浮沉矣

乙丑時雨雪愆期遣祭郊社山川諸神

南征麓川達官舍人家屬給絹二匹布三匹有願省視者給
口糧脚力

丙寅太子太保成國公朱勇為太保封中軍左都督陳懷平
鄉伯右軍左都督馬亮招遠伯以勦功戶部劾勇奉命出

喜峰口迂道支糧萬六千餘石穀八千石芻一萬餘束宜責
償工不問時三衛覆衰而怨我次骨雖朝貢如故陰通糶
唐午寧夏總兵官都督同知黃真都指揮陳友擊兀良哈獲
四百餘人畜產萬餘

乙亥崇仁縣丞潘源清為知縣食正七品俸

定廣西屯兵歲九月至次年三月戍柳州四月至八月瘴盛

回桂林

丙子復衛景嚴真定府知事食正八品俸

四庚辰朔雨澤愆期徧告於群神

甲申永平大長王公薨肅馬都尉李讓

乙酉交河典史楊貴為知縣時邑人求貴代吏部以掾難之
上從民望報可

江西道監察御史朱本等言三事曰去冬少雪今春不雨饑
饉薦臻咎在臣下乞勅大臣率屬脩省不悛者許言官指實
彈糾天下貪酷官吏皆考覈之曰刑官人命所繫今在外按
察司及斷事理問推官多不諳律乞加精選曰在外儒學故
以貢士任教官比因任滿生徒應舉乏人行充河泊等官續
將年深監生選補往一廢職不能育才宜遴簡之用稱模範

上納之

俞本作諭

吏部尚書王直等曰廷臣俾共乃職有司不

稱者巡按御史布按二司官無舉罷黜之其貪酷舉劾刑名

官當選有學行通律意者教官選文學任滿九載生徒如

無登科試學果優許任如故

故翰林院脩撰龔琦先以父避戍削籍屢噴辨戍鉄嶺衛

丙戌翰林院學士陳循直文淵閣

增山海衛戶部主事提督屯糧并巡視永平界嶺口劉家口

喜峰口倉場

丁亥沙州衛赤斤蒙古衛各告饑戶部謂遠夷不餉上量

給之

戊子樂陵典史孫智為主簿智秩滿被畱

朝鮮國王李禔獻犯邊逆倭五十七人勅勞之

己丑恭順侯吳克忠進太子太保

辛卯黔陽王季淑進封楚王季煥大冶王芝壩唐世子芝址

舞陽王芝城新野王秩靈安塞王

南京右副都御史周銓言各處解果品厨料俱經南京光祿

寺轉運限八月交納物不及時易壞乞自今隨產輸北免煩

南寺從之

壬辰禁勢豪攬納芻粟中鹽

甲午勅部院順天尹凡造作物料先給價買不許損民
丙申金吾左衛帶俸都指揮使王喜錦衣衛帶俸都指揮使
額里孛羅那罕赤俱為都督僉事北從功征迤額里孛羅賜姓名
高禮那罕赤姓賜名莫清

巡按山東監察御史曹泰言今布政使即古州牧按察使司
即古監司近歲有缺必令大臣會舉然或循資格或涉親故
任之者昏耄時有庸懦亦多乞精厥選 上然之
丁酉琉球入貢

己亥復李文斌懷遠典史食祿九品俸

癸卯旱遣翰林院侍讀周叙習嘉言編修薩琦呂原倪謙楊
鼎江淵徐理檢討王玉給事中姚夔章瑾李素劉益尚達
中書舍人李廷脩張傑分祭岳鎮海瀆鍾山之神

清苑主簿高儼為縣丞邑人詣闕留之

乙巳宣府贊理軍務山東布政司右叅政劉璉為戶部右侍
郎仍舊任

吏部言教官任滿無貢士試學優者教授學正教諭俱降
訓導訓導調任邊遠試不中除雜職從之

丙午復尚俊元氏主簿會從一品俸

戊申安南入貢上言欽州地又遣阮叔惠叅知雷刑院事程

真入貢言龍州赤城地

己酉命陝西糧存留三分餘本折半之悉輸甘肅寧夏延綏

守備鎮番衛都指揮使馬麟侵餉以赦復秩不許

夜大星青白光自軒轅流雲中

五辛亥都指揮僉事陳友為都督僉事

思機發子蓋蓋等械至京沒入御馬監餘十二人戍邊

癸丑免淮安夏麥五萬五千餘石

甲寅濬新安縣長溝河

前兵部左侍郎鄭辰卒辰字文樞西安人永樂進士授

御史歷使稱奇擢山西按察使潞州盜起議遣兵獨王撫旋

平拜工部左侍郎考察雲南四川大吏還濬漕河正統中改

兵部疾去賜祭葬

乙卯工部右侍郎邵旻降柳州知府旻坐盜官物下獄適值

赦喪去至是服闋吏部以聞特請

河南按察僉事孔諤奇暴降廣南府通判

己未時遣官錄天下疑獄刑科給事中陳傳請兩京亦如之

遂命左副都御史張琦往南京刑科給事中王鐸錄京師琦
道疾改刑部侍郎馬昂

庚申大同總兵官武進伯朱冕等言鎮卒止二萬四千六百
餘人除諸處守備恐策應不給馬隊尤少請步卒二千四百
人屯田山西行都司者仍遣回半充馬隊更選河南山西千
五百人充馬隊從之

辛酉丁鉉服闋補刑部右侍郎

癸亥夜月食

甲子命文武大臣試各衛所官策射

乙丑復張孟昇德安府經歷食正七品俸

丙寅哈密衛都指揮使脫不花為都督僉事

丁卯刑部右侍郎丁鉉光祿寺丞呂泰往四川督茶運西寧

太監王振言饒州陶器不堪命錦衣衛指揮往杖其提督官
仍青造

己巳占城入貢

庚午韓王範地薨年二十五謚曰懷

雲南總兵官右都督沐昂等奏思機發員固但我力匱乞遣
諭木邦緬甸俾獻俘否則再舉從之

壬申召提督遠東軍務左副都御史王勳還京

崖州守禦正千戶陳政副千戶洪瑜勦黎賊濫殺熟黎激變

政被殺事聞瑜戍廣西

癸酉後軍都督僉事陳友出塞招胡四百八人來歸賜衣幣

左軍都督僉事曹儉卒

昏刻火星犯左執法

乙亥復王從均州知州食從四品俸

罷四川高縣筠連茶課司以茶惡折鈔

丙子泰州判官王思是為同知思是秩未滿部民統乞之

丁丑勅諭緬甸軍民宣慰使莽得刺子卜刺浪馬哈省以速

刺等爾因思任發於瓦城約官軍於貢章接取爾恃詐襲我

諸將請兵之朕念傷及亡辜今爾果擒獻即宥罪陞賞若復

不悛昭悔無及又勅木邦軍民宣慰使罕蓋法等聞諭緬甸

執賊來獻

免保定和州去年災租

六月卯朔禮科給事中余忭行人劉遜還自琉球受謁下獄杖

而宥之

庚辰大風雨拔木

壬午勅寧夏總兵官都督同知黃真等選靈州土達從征以
署都指揮僉事許宗指揮僉事韓鵬領之

湖廣貴州苗各虫鼠傷稼求伐木販土物易粟許之且量賑
癸未河南右布政使俞士悅為大理寺卿

雲南南甸州及干崖長官司俱改宣撫司

總督雲南軍務兵部尚書靖遠伯王驥以邊民潛入木邦緬
甸車里一百等夷牟利生釁請嚴其出入從之

丙戌總兵官定西侯蔣貴益祿五百石王驥三百石賜金百

幣十雙鈔萬貫總兵官右都督沐昂為左督都督同知冉

保為右都督都督僉事毛福壽為都督同知左少監蕭保為

太監各金八十幣八十鈔五千貫時驥老師亡見績而王振為

之內主勿恤也

庚寅禁奪寧夏靈州等土達畜產器械

李菁服闋補工部左侍郎

連東總兵官都督僉事曹義為都督同知守備義州都指揮
使施聚為都督僉事

四川廣西土官近貴州者聽守備貴州叅將都指揮同知郭

瑛節制

辛卯廣西荔浦等縣蠻莫公喬等作亂議討之

乙未禮部右侍郎侯璉為左侍郎右僉都御史程富為左僉都御史戶部員外郎鄒來學為郎中兵部主事趙敏為吏部員外郎麓川轉餉功

丙申增募雲斤墩戍卒

武康伯徐禎卒

丁酉監察御史魏貞弛罪入桎梏下錦衣獄

戊戌復茶林安定縣丞食從七品俸

壬寅歷城縣丞熊觀為知縣

七月酉駙馬都尉石璟嘗家闈呂賢太監王振惡之下錦衣獄

處州盜走福安掠銀鑛殺右叅議竺淵

辛亥勅刑部右侍郎楊寧兼督雲南軍務代侯璉

貴州施秉蠻夷長官司改施秉縣 轄鎮遠府

壬子免隰州欠租七千四百九十餘石

癸丑免開封衛輝南陽河南懷慶彰德去年欠租三十萬三

千二百五十餘石

申明植桑棗法勸貸富民

乙卯楚府通山王孟煥薨年五十七謚靖恭

嚴科舉冒籍從雲南道監察御史計澄等言之
丁巳命寬恤廣西徭民徭役

戊午台州通判周旭鑑為知府旭鑑署黃巖甚得民故從其
請

己未夜月掩南斗魁

庚申封祁鑑趙世子祁釐臨漳王祁錡湯陰王祁鏗襄邑王
壬戌翰林侍講學士高穀侍讀陳詢主試應天

甲子應天蘓松常鎮廣德大風雨拔木溺人畜傷稼江都縣
沙民滄千餘人

丙寅復王得仁汀州府經歷金正七品俸

丁卯少保大學士楊溥乞休不允

庚午勅邊將以兀良哈頭目安出言女直來侵且脩怨又也

先索三衛流入其情巨測宜整士由備

昏刻彗見太微東垣閏七月己卯滅於角宿

辛未陝西布政司右叅政年富為河南右布政使

應天府丞檀凱致仕

江西道監察御史潘楷繫募僧兵馬司尚膳監太監班祐謂
門僧不當坐下楷錦衣獄除名

丙子前鎮守山西後軍左都督李謙卒

丁丑前南京吏部尚書黃宗載卒宗載豐城人丁丑進士授行人歷左右司訓導司正永樂癸未擢湖廣按察僉事鉅強起瘠丙戌召脩永樂大典還任坐累謫役楊青驛已起山東道御史侃、不附巡文陞還擢詹事府丞洪熙初進吏部侍郎歷尚書致仕宗載庶正有文學賜祭葬

閏七月戊寅朔戶部右侍郎王質重開福建浙江銀場國初閏課歲二千六百七十餘金浙課歲二千八百七十餘金永樂間閏至三萬二千八百餘金浙至一萬二千七十餘金宣德間閏

歲四萬二千七十餘金浙歲九萬四千四十餘金民困甚

工初閉冶獲蘓至是多盜鑛御史孫毓福建參政宋彭浙江參政俞士悅謂則利自上浙江按察使軒輓謂開之患尤深

工是之而刑科給事中陳傳復以為請中貴附和故有是命閏額二萬一千一百二十餘金浙額四萬一千七百餘金供億之費殆過公稅盜又不絕至己巳勸兵民始安

順天真定保定大名永平順德河間應天濟南開封衛輝懷慶嘉興湖台岳各大水傷稼遣視

庚辰兵科都給事中薛謙為應天府丞刑科給事中王鐸為

順天府丞

辛巳工部右侍郎王佑太監阮安視蒲濬瀋縣等決河

甲申令岳鎮海濱郡縣社稷山川文廟城隍及祀典神祇壇廟有損壞者有司以時脩葺

令有司掩瘞暴骨禁發塚

定邊衛指揮使陳信為署都指揮僉事提督通州

戶部右侍郎焦宏等巡壩上馬房草場言內官占役軍士私墾或建寺立靈命內官各地一頃內使淨軍各半之寺廟旬除餘悉還官歲遣科道巡視

立真定南關稅課局權山西之木

丙戌瀋府黎城王信燭燬年三十五謚昭僖

庚寅免沁州災糧三萬三千二百九十石

賑楚雄臨安由靖大理饑

癸丑鎮守遼東太監王彥卒命太監喜寧籍其賢彥妻吳氏

訴寧私取蒼頭駝馬器具田園鹽引上宥寧第追入之

丙申都指揮僉事李信鎮守沅州

戊戌夜月犯天街上星

庚子左通政李錫為通政司使

勞京營吏卒二十二萬餘人計三十萬金有奇

辛丑命各土官子入學從思南府經歷李驥之請

壬寅雷震奉先殿鳴吻

癸卯太常寺少卿蔣守約為寺卿

諭戶部存恤南北災民賑饑蠲田租歲辦

命都察院禁官司巧斂尅害軍民

甲辰河間同知廖謨為知府部民奏乞之

乙巳工親告雷警於太廟遣祭天地

停雲南銀冶總兵官左都督沐昂等言課不償費也

丙午故沙州衛困即來子喃哥襲都督僉事少子克羅俄領

占除指都揮使

前刑部尚書魏源卒源字文淵建昌人丙戌進士授御史有

聲進浙江按察副使尋署刑部右侍郎會河南饑調左布政

使賑之民蘊進刑部右侍郎整飭四川邊務群廢舉舉還拜

尚書已從西征督察諸將指畫俱中察雖忤權弗顧也還朝

病足自免寬厚有量嘗怒屬官尋請事即善過之得大臣體

賜祭葬

丁未朔遣視平陽荆沔陽旱災

黃巖縣疫死萬人

勅太保成國公朱勇等并五軍三千神機等營曰朕養軍士爾頭目名備軍裝培克之爾等不禁何也已命御史察糾尚亟改毋後悔

戊申申明習尚胡一衣服語言之禁

刑科給事中鮑輝言近例浙江計口月納米三升買鹽一斤彼饑民安能計口出米哉請自今禁舟車私載外其肩負十斤以下勿問民間食鹽聽自買毋復計口月給從之

庚戌武定侯郭珖為鎮朔將軍總兵官鎮守宣府召宣二府總

兵官永寧伯譚廣還京

刑科給事中鮑輝言郡縣官九年考滿多在任買田置兒娶妻立籍恐遷他境邀民保留弊政為甚下吏部言保留故事不可以一妨十惟且上司嚴覈上從之果徇私俱治以罪

蠲陝西田租十之四凡四十八萬六千石有奇餘收粟布

壬子復徐聖保定府推官食正六品俸

甲寅翰林院侍讀周叙侍講王一寧主考順天

進士畢鸞胡貫任寧張文為監察御史

大理寺卿俞士悅等言文職受財枉法滿貫當絞者例充軍

不滿貫者並贖為民武職坐流徒杖者概充軍夫武職出萬
死得官例概充軍則前功盡棄罪又重於文職乞令武職受
贖私縱操卒滿貫當死者充軍其不滿貫當流徒杖者如舊
贖罪還職從之

乙卯赤斤蒙古衛指揮阿連言先臣都督且旺失加以瓦剌
也先求婚未即聽令又求臣妹邀往受聘乞內附避之勅曰
也先求婚向許而父自擇便自中阻顧受聘非宜往而見詐
悔將何及赤斤世守地奈何棄之爾第保險綏衆善自備朕
且命邊將緩急爾矣時也先強赤斤沙州罕東台內屬陰臣

受平章等秩

丁巳應城伯孫純為總兵官鎮守薊州永平山海召鎮守總
兵官都督同知王或還京

辛酉浙江按察僉事彭貫奏屯軍畝輸粟五斗田有餘授之
軍餘及民輸亦如之夫餘丁非正軍比民有雜差又非餘丁
比請遞減之餘丁畝輸二斗民畝一斗其荒田三年始科從
之

乙丑免山東及揚州災租

丙寅夜大星赤光燭地自危霜至羽林軍後三小星隨之

甲戌前山西左布政使華亭馬麟卒麟永樂間舉人才起拜
布政使二十年民安之

九唐辰南京國子祭酒陳敬宗秩滿在京仍任

溧陽縣丞鄔瑋為知縣

丁亥命靖遠伯王驥都察院右都御史陳鑑往西北沿邊閱
軍

增給遼東延安綏德甘肅永寧宣府寧夏銅銃

鎮守延安綏德都指揮僉事王禎為都督僉事仍鎮守

己丑興安伯鎮

徐亨守陝西監察御史馬恭協贊寧夏軍務

戶部右侍郎王質卒質字夢瑾鳳陽太和人

貢士訓導

南陽擢御史宣德末進四川叅政尋進山東右布政使正統

六年進戶部右侍郎八年進刑部尚書俄失囚左遷戶侍會

閩浙銀場盜起命質往卒杭之武林驛賜祭塋質平易蕭介

雖博記不善文學嘗曰吾之學如蜂萃而不察

唐寅訓導孫謨周文李忠周文盛陳雍曹敬為監察御史

辛卯鎮守陝西都督同知鄭銘年老召還

定西侯將貴檀領左哨 上切責之

免鎮江旱租九萬九千八百二十餘石

夜大星青白先自危宿流至游氣

乙未曉刻月犯井宿

戊戌楊稷死錦衣獄稷豪奪子女田宅私商稅毀人墓屢殺
不辜怨家訴於朝逮入京初楊榮沒鄉人訴其子士奇擬遣
緹校事竟白子得官尚賢至是陳循忌士奇遂以建安例族
鄉人奏其子稷太監王振竟逮之

己亥立雲南隴川宣撫司麓川頭目恭項先來歸累功於是
即麓川故地設宣撫使同知副使僉事各一
壬寅肥河衛都指揮別里格脩怨於兀良哈同嘔罕河衛都

督你哈答等敗掘赤婁出等於格魯坤迭連遣指揮咬失
報捷

癸卯南京吏部右侍郎趙新政吏部右侍郎

甲辰許廣西提學僉事考校應襲武職

夜大星赤先自吳仲流天紀後二小星隨之

十朔午朔日食

命大同總兵官武進伯朱冕寧夏總兵官都督同知黃真鎮守
延安綏德都督僉事王禎守備偏頭關都指揮馬貴巡視塞
外

丁未道錄司右濱法郎以正校道經於禁中
壬子許青州人輸布代租

癸丑尾刺脫一不花王及太師也先貢馬三千九十二匹遣
使千八百六十七人

丙辰處州衛指揮使王敬為署都指揮僉事提督温州等衛
海道

戊午疏上虞凌湖

己未監察御史李儼監收先祿寺祭物值太監王振不聽下錦
衣獄戊鉄嶺衛

辛酉南京右副都御史周銓為左副都御史仍提督倉儲
夜月當食不食

談遷曰日食脩德月食修刑自闕振竊柄袞闕多矣而月
當食不食噫是何祥也或大禍之延盈我主聽昭其咎於

日後耶

癸亥夜大星青白先自室宿游流氣

甲子 孝誠昭皇后主祔廟

承寧伯譚廣卒廣丹徒人燕山左護衛百戶從靖難再從出塞
征胡以左都督鎮守宣府正統六年捕獲胡馬中律封祿千

二百石流爵起戎伍大小百餘戰未嘗敗統神機營騎兵整
銳人稱譚家馬鎮宣府二十年吏卒感慕年八十二贈祭葬
謚褒毅

乙丑頒釋道大藏經於天下

丁卯順天府尹姜濤為戶部左侍郎光祿寺少卿王賢為順
天府尹

庚午大興知縣蘓敬杖斃老人蕭永成威遠衛

甲戌兵部右侍郎虞祥通政司右通政呂經正翰林院侍講
劉鉉檢校王玉清理軍職貼黃

陝西都指揮僉事後能鎮守岷州

遣都指揮李鐸哈刺若出諭沙州罕東赤斤蒙古三衛未報
沙州衛頭目薛令言也先授喃哥平章等官又瓦剌欲自大
同寧夏說力山亦集乃入寇復勅鐸諭之且察其向背

十庚辰衍聖公孔彥縉來朝

甲申也先復入貢

丁亥獨石備邊府軍衛指揮僉事楊俊為署都指揮僉事

己丑滿剌加國入貢

辛卯賑靖州鎮遠府饑

癸巳山西樵者王渙狂走哭入長安右門言百姓饑亡請面
訴下錦衣獄錮之

夜大星赤光自室南流至游氣

甲午免廣平去年欠租千九百餘石

丙申進士王宣為吏科給事中

壬寅遼東提督屯種監察御史李純為右僉都御史仍任

遣視蘓松常鎮水災

甲辰前四川按察使龔鏞卒鏞字子諫南昌人 貢士授

兵科給事中擢雲南按察僉事改廣西至按察使廉潔自將

建白俱切要雖屢憲臬未嘗樹威家計泊如也

十二月朔提督易州山場柴炭通政司右通政陳恭為工部右

侍郎仍故任

運南都絹布萬八千匹賚雲南吏卒

戊申疏鎮江常州運河

夜大星青白光自北斗魁流近濁

己酉提督大木廠大理寺右少卿韓翼為左少卿

壬子南京太常寺少卿蕙翰林院侍讀學士金問為南京禮

部右侍郎

癸丑免常州去年灾租十萬五千七十餘石
夜大星如赤光自星宿流至游氣

甲寅增蘭縣戍卒三千人蓋甘肅要害也

會川伯趙安子瑛授

正千戶

陝西都指揮使魯失加為右軍都督僉事

丙辰置彰義門官房收商稅

丁巳後軍都督僉事王喜為甘肅左叅將山東都指揮僉事

李進守備蘭縣

壬戌命甘肅總兵官寧遠伯任禮祭山川之神先是風晦

會川伯趙安卒安狄道人從兄琦為土指揮同知坐罪死安

株戍甘州永樂初進馬除臨洮百戶使西域從北征進陝西

都指揮同知宣德二年充左叅將征松潘散刺進左軍都督

僉事五年充左叅將從史昭征曲先十年授甘涼鎮番正統

元年以都督同知充副總兵征朶兒只伯捕首中律封流鼻

勇毅有將略故多戰功

甲子令因雜犯死罪以下遞減二等笞杖罪悉宥之休息工

匠赴役待明歲

丙寅給陝西運茶軍人月糧三斗

丁卯免南京各衛差操屯軍餘糧
己巳許尚寶司丞夏瑄終養母氏
甲戌賑西晏畿

己丑正統十年

正月卯令吏部都察院會同禮部察入覲官仍各詢所屬治行

具最以聞

壬午逮福建左布政使方正按察使謝莊下獄正削籍莊戌
武遠衛俱曾取指揮女為妾又伎飲吏部糾之

甲申忠義後衛倉火戶部右侍郎李暹等下獄

丙戌上南郊

丁亥夜大星赤光自天鉤流天津後五小星隨之

戊子命中外官各推舉將才

辛卯琉球中山王入貢

魏國公徐顯宗等二十八人失朝被劾令聽於午門媿之

壬辰吏部大計罷黜四百五十三人

癸巳浙江都轉運鹽使司運使丁鑑章昌知府韓福南昌知府胡本惠寧國知府袁旭松江知府趙豫鳳陽知府楊璣海豐知縣王懋霸州知州張雷吳縣知縣葉錫慶雲縣典史趙亮等十人俱察最命一人賜金織衣一襲鈔五百貫宴禮部吏部錄姓名叙擢之初目刑科給事中鮑輝之言

薛應旂曰此實勸賢盛典一祖宗朝間一行之迨後遂為

故事凡復任者通給勅諭無復旌別而淑慝溷淆矣

談遷曰超卓之績薦罷守令事之恒也縣尉早極宴

正賞不道賤當日所風厲猶有古人之餘意後此無望矣

甲午晨刻大星如椀青白光流至游氣後小星隨之

丙申都指揮同知黃讓往陝西慶陽提督操備

錦衣衛卒王永陰揭太監王振罪於通達匿其名邏校緝得

之詔磔於市不覆奏

己亥舊太倉曰京都太倉

知縣劉訓王紹宗訓導胡淵王震張濶錢濟葛訓張吳為監

察御史

唐子江西左布政使吳潤憂去屬官言其廉惠乞奪情從之

免順天山西災租

辛丑河南濟源縣道士宋本澄進綵幣緋綠各一銀瓶一云
浮自濟瀆賜之鈔

定西侯蔣貴領五軍左哨

壬寅兩淮都轉運鹽司同知耿九疇為運使九疇憂去商人
乞起服太監王振聞甚廉介故允之

癸卯尚賢司少卿朱祚卒祚海寧人九歲能詩永樂八年薦
至十三年獻元宵觀燈賦稱旨洪熙初授行在中書舍人

宣宗善其文進翰林修撰秩滿進尚賢少卿教內監書祚詩

文援筆立就員氣好直言晚稍自憊號默齋

二月己朔夜大星青白光燭地自天津流敗瓜後二小星隨

之

叅贊甘肅軍務右僉都御史曹翼秩滿為右副都御史

進士王詔為禮科給事中

戊申令陝西贖囚運芻甘州衛

己酉定大同班軍歲再代

辛亥翰林院學士錢習禮侍講學士馬愉主禮闈

譚亨除 衛指揮使 永寧伯譚廣子

真足人薛如瑞以妖言伏誅

乙卯譚敬宗服闋復鄆陵知縣

丙辰起服湖廣按察使孔文英

丁巳免永福縣災租并絕戶糧三千二百九十餘石

京師地震

己未免陝西逋租

辛酉中軍都督僉事曹義為都督同知仍鎮守遼東總兵官

癸亥陝西山西饑民流河南巡撫河南山西大理寺左少卿于

謙請發河南懷慶倉粟八十一萬石有奇平糶從之

甲子滿剌加國錫蘭山國入貢

申薦越誣告之禁誣十人以上軍戎邊衛民流口外

丙寅陝西行都司都指揮僉事劉廣為右軍署都督僉事充

副總兵鎮守涼州

設鎮番衛右千戶所專罪戍

福餘衛泰寧衛所部盜邊被獲求貢馬貨死不悉許伏誅

庚午正一嗣教真人張懋丞卒賜祭葬

壬申工發京師宿沙河

癸酉至天壽山

三朔戎朔謁祭長陵獻陵景陵

乙亥還宿沙河

丙子還宮

丁丑夜土星犯天鐳星

庚辰設雲南騰衝軍民指揮使司以騰衝要地城守之

麓川思機發遣頭目刀孟永等來朝貢金銀乞賞罪受之

雲南浪蠻等叛據刺撒山寨官軍攻破之走洞索山又大敗之

斬三百餘級擒四十七人誅於甸尾

癸未毛憐衛右都督李撒滿答失里乞居京自效從之賜名曰

忠

甲申申禁私創寺院庵觀

立獻陵衛

勅右僉都御史李純巡撫遼東代李瀛

戊子策貢士高翰等百五十八於奉天殿賜高翰周洪謨劉俊

等進士及第出身有差輅鄉榜亦第一

勅雲南總兵官左都督沐昂參贊軍務右侍郎楊寧曰緬甸

卜刺浪約爾等及木邦罕蓋法至貢章付思任發而罕蓋法

云卜刺浪索地獻賊爾等酌計毋墮其奸

誅四川黑虎寨賊多見太
庚寅天鳴有聲

己亥故少師楊士奇子穉為尚賢司丞

推官劉琚行人呂因劉文知縣王鐘胡拱辰莫源為南京監察御史

衛輝府同知張亨為知府

庚子亦力把里使臣馬黑麻為副千戶連來蠻為百戶以遠至嘉
之

辛丑勅鎮守陝西都察院右都御史陳鑑巡撫河南山西左少卿

于謙曰近御史馬恭奏陝西遠近居民求食日二千餘人饑
死甚衆咸陵渭南富平等縣閉戶塞門逃竄越食及爾謙奏
祥符饑民屯聚男婦千餘原武亦如之朕即位以來輕徭寬
負詔書屢矣今歲歉未甚流散若此豈非有司侵暴之耶又
聞衛所官亦往一利害諸軍士方面風憲與同流汗疾苦不
在心是皆不可原今姑予自新其各飭令正佐能幹官分巡
所屬量發廩或勸富家賑貸不急之務遂為停止有所不便
其實以聞迺移至境者設法毋掠之爾等為國重臣宜盡心
區畫有司貪暴闕冗者起送赴京軍官具奏處治欽哉復分勅

陝西河南山東山西都布按三司及保定大名真定河間順
德廣平各如前旨謙勸助平糶河南富人趙守賢年七十七
子請所示悉贊助荒謙異之以聞得旌令里老擇一貧女命
妻之逾年生子抱至院叩謝

哈魯衛都指揮使脫不花為都督僉事

浙江松溪縣礦脉竭除其銀課

癸卯吏部郎中洪英為山東左布政使

復扈遼鳳翔知府食正三品俸

寧波疫

四甲辰朔日食

乙巳命監察御史曹祥馮傑往勘浙江福建銀場初戶部右
侍郎焦宏言銀場可開須御史巡問

戒飭各提學官許巡按御史糾舉

辛亥守備獨石左都督楊洪嘗請旗牌不允洪私作箭旗五
十木牌二十為文鋒緩急之節工部論其擅工不問

甲寅前鎮守沅州右軍都督僉事李達卒達在邊四十餘年威
名甚著年八十八

乙卯右僉都御史羅亨信為右副都御史

工部右侍郎王佑太監尚義脩大功德禪寺
延安慶陽二衛召商納馬中鹽

壬戌設山東靈山衛儒學

乙丑國子監司業趙琬為左春坊左諭德助教李洪孔鐸翁
瑛為翰林院檢討俱仍監事

定寧夏班軍歲正月放歸十月赴邊

丙寅安南入貢

戊辰進士路璧王廈為戶科給事中

張元吉龔正一副教真人張懋丞孫

大雨雹

辛未選秦府西安右護衛千人歲九月戌延安

四川威州土官巡檢董敏仇州人王永構兵累年命御史趙

敬同三司面諭之

壬申通政司左右叅議龔全安王錫為左右通政

戶部右侍郎姜濤卒忻州人

貢士有治才賜祭葬

五明戎朔命翰林學士陳循曹鳳馬愉參朝議

彭城伯張瑾匿私闕不發下刑部獄

丙子靖遠伯王驥奏延綏至肅州六千餘里戍卒不過五萬

六千餘人部議甘肅凡四萬二千八百人足備遂益寧夏千

人延安五百人

漕運參將都指揮僉事湯節言瀘縣運河狹之

丁丑蠲真定河間夏麥

己卯入安化縣陝西操備都指揮僉事楊信慶陽衛千戶

曹旺俱避敵緞掠杖之戍延安衛

庚辰廣西總兵官安遠侯柳溥勦潯梧等叛蠻斬七百三十

餘級署都指揮僉事范息等勦慶遠等蠻

甲申羽林前衛忠義後衛倉火

陽武縣蝗命捕之

丙戌吏部驗封主事李賢為考功郎中

戊子廣東按察使郭智作威索賂被劾下獄

廣黃平鄉伯陳懷奏薦山西行都司都指揮僉事吳浩宜召

用之京師上曰正可障邊因命兵部臣有邊才者自令毋

輟動

巡按四川監察御史姬鵬都指揮周貴左布政使侯軌僉事
王琦至松潘諭至地寨番下之

辛卯免河間去年災租雲南屯糧

甲午進士郝璜為吏部驗封主事

丁酉免萬全都司屯糧

夜二大星一白光自紫微西藩流閣道一赤光自雲中流

游氣

戊戌占城入貢

己亥刑部右侍郎薛希理巡撫直隸保定河間大名順德廣
平鳳楊淮安楊廬滁徐大理寺右寺丞張驥巡撫山東

壬寅免濟南逃戶通糧

曉刻大星青白光自一數沒於五車

六月卯朔以紹興寧波台西安疫遣禮部左侍郎兼翰林院侍
講學士王英祭南鎮會稽山通政司叅議湯鼎祭西嶽華山
西鎮吳山為民祈福亡人蠲其租病賑恤之

甲辰起復睢州知州仲廣

丁未潯州通判龐本厚為同知本厚秩滿以善撫猺獞進之

戊申免平陽太原河間真定田租

監察御史吉慶筮死人下獄戍鉄嶺衛

己酉脩杞縣離溝隄岸濬牛墓岡舊河

癸丑定河南牧地開封七衛輝六彰德四

甲寅工部左侍郎黎澄為尚書仍直內府

丙辰南京刑部尚書施禮卒禮字仲節東安人洪武丁丑進

士授行人司副進河南布政司參議坐事免起守淮安又免

俄拜山東道御史進大理寺丞遷少卿宣德初進刑部右侍

郎正統元年進尚書調南京刑部以敦朴淳謹稱年七十三

賜祭葬

丁巳貸金椒縣穀萬四千餘石

戊午提督雲南糧餉右僉都御史程富為右副都御史

金華府照磨吳熙為推官從軍民之請

庚申封班丹堅判為靈藏灌頂國師贊善主

南京大理寺左評事張昇秩滿求就教便母養改 教授

免常州去年欠租九萬一千四十餘石

甲子雲南總兵官左都督沐昂卒昂晟叔子洪武中授散騎舍

人進府軍左衛指揮僉事永樂初進雲南都指揮同知洪熙初

進右軍都督同知宣德末進右都督鎮守雲南正統三年征
麓川功進左都督總兵官復征麓川敗績降都督同知七年
進右都督復征麓川復左都督

乙丑免彌勒州通租

丙寅南京國子監丞諸質為翰林院編修杜寧服闋補翰林
院侍講

戊辰甃京城

辛未增西安府通判專督水利

七甲戌脩滁陽王廟

霸州知州張需下錦衣獄需善字民順天府丞王鐸嘗旌異之
有牧馬官獲民需置於法牧馬官譖以太監王振遂被逮并

坐鐸私舉下法司宥復職

戊寅保定真定蝗命捕之

己卯復孫理三河知縣

順天南石渠草場火

庚辰勅駙馬都尉井源太監陳脩鳳陽陵殿城樓

辛巳進士丘嵩李侃錢森為戶科給事中熊文禮科給事中

鄭海刑科給事中張文質工科給事中

守備遼東寧遠衛都指揮使焦禮為左軍都督僉事仍守備
免鎮江廣平保定大名水災田租七萬六千五十餘石

丁亥整理大同邊儲戶部右侍郎沈因母喪許奔喪赴任
戊子撤馬兒罕國兀魯伯苦列于王並八貢

己丑免山東昌樂縣逃租千五百三十石

庚寅緬甸宣慰使男卜刺浪馬哈省以木葉書約十月終歸

思任發於貢章付金銀鉄三刻為信索木邦眇額之地其額

目哈答亞京 上勅卜刺浪馬哈省即停至論功陞賞又思

機發劫隴川宣撫司使恭項印

壬辰減平陽潞汾沁今年布花之二田租之三

癸巳通州義勇右衛倉火燬米穀萬八千五百餘石

乙未巡撫河南山西大理寺左少卿于謙奏山陝饑民俱糊

口於河南懷慶河南有貯米六十萬餘石請減糶 上許之

命戶部馳報毋緩

丙申黔國公沐儼改名斌

丁酉復荆王 瞻堦書曰承諭漁於蘄州之赤東湖朕特允請

然山澤之利自昔共民叔氏宜體此意

戊戌賜哈密忠順王倒瓦答失里駝紐鍍金銀印

芒市土官放革會木邦兵殺思機發刀怕囊等斬五百餘級
辛丑增順天府通判專督匠役

召商納糧騰衝中淮浙四川鹽三十萬五百九十引
壬寅朔黔國公沐斌為征南將軍總兵官鎮守雲南

夜大星青色自天津北流廿牀後二小星隨之

乙巳遣祭司鐘之神曰維神職司禁鐘朝儀是肅茲晨扣擊
失常朕惕政乖特申祭告

丙午夜月犯房宿

己酉監察御史彭勗為吏部考功郎中京衛武學教授紀振

為員外郎

省邊衛教官冗員

壬子河南多逃民委開封同知王靖南陽同知汪庭訓汝寧

通判周海又增陳州知州專撫逃民其復業者免賦役三年

癸丑免武昌襄陽常德長沙岳辰荆早災田租二十一萬八千

四十餘石

戶科給事中王弼言旱蝗饑饉致災之由則官吏貪暴相尚

刑罰失中宜御史指奏以馮罷斥上納之

山西按察使曹習古貪濫下法司戍鉄嶺衛

乙卯戒路南州銅課之羊

丙辰參贊寧夏軍務四川道監察御史羅綺為大理寺右寺丞

蠲蕪松常鎮浙江水災田租四十九萬三千五百六十三石
辛酉西安鳳翔旱饑

賑江都縣饑

乙丑翰林院檢討姜洪為脩撰

定宣府龍門衛赤城鷓鴣堡每一金羅粟二石二斗獨石馬
營龍門所雲川堡每一金羅二石

丙寅浙江道監察御史陳嶷為陝西按察副使專巡甘肅水利屯種

丁卯戶部左侍郎李暹覈儲於河南陝西酌糴買裕邊

庚午沂水縣丞馬麟為知縣

九劫甲仍遣監察御史巡茶

書戒秦王志潔以折山川壇獸吻拒宜川王入廟燬儀賓柩
偏承奉自縊按紀善 須髮誘軍民子弟自宮之類不可

悉數也

夜大星青白光自羽林軍流近濁後二小星隨之

癸酉吏科都給事中張睿為戶部右侍郎

甲戌諭吏部尚書王直曰給事中職封駁糾劾非行誼莊飭才識優長儀偉言端曷克稱之今後慎選毋以輕畀

乙亥吏部右侍郎趙新言銓衡四事曰人無全才古今皆然自言書判法固當因器使隨才亦或不逮若責短棄長捨金議而自用變舊典以徇私則選任失宜矣曰薦賢臣忠考察才毅也今考謹人才有司舉到不辨真偽輒自發回匪惟蔽賢抑且違詔曰各衙門送到辦事年滿官員需次取選故事也今不論月日先後却候積累人多雜亂文狀隨手取寫謂

之公道後薪前魚欲人無怨不可得也曰官吏詐匿親喪厥罪惟均今匿喪者罷為民而詐喪者職役如故禮法乖違輕重失等臣敢冒昧以聞 上一從新言命詐匿親喪者並削

籍著為令

戊寅始免監生徭役

辛巳起復鄆縣知縣石瑛安陸縣丞柴林復李簡韓城知縣又安陸縣丞柴林守制皆鎮守陝西都察院右都御史陳鑑薦之

癸未進士林廷舉王允徐行童存德周鑑全智姚恭申祐張

洪宋琛李賓吳中羅麓柴文顯何琛周瑜齊讓黃綬陸厚曾
蒙簡常茂崔璵即進為監察御史

丙戌停徵兩畿災傷葶牧牛馬

丁亥山東布政司左叅議黎璉專撫流民罷濟南等撫民通
判以驛騷故

兵部右侍郎虞祥卒祥崑山人歷金華訓導上虞教諭宣德
間擢禮科給事中慶壽寺僧剋毘盧閣下瞰皇城祥疏上立
毀閣正統初進通政司左叅議善敷奏八年進戶部右侍郎
改兵部巡撫畿內剋除貪酷存問疾苦素謹默人尤安之賜

祭墓

劉鳳曰予觀謹愿者事未嘗不為動容也曰羔羊之詩見
之矣伯有伏斧而子產嘻晏不敢盈禮焉匡濟道缺樹德
務滋豈厚封之謂耶仲禎用誠長者處官雖畏慎庸不乃
愈教子孫不失秩可謂能遵業哉

戊子江西都指揮僉事馮鎮為署都指揮同知仍督漕運
庚寅兵部左侍郎廉楚為尚書

夜大星赤光流南至游氣

辛卯吏部左侍郎李敷卒敷字居學涿人永樂初入北雍

嘗試第一授
銜經歷進禮部主事歷員外郎遷江西右
叅議改四川除歲買茶課從近轉餉松潘遷右叅政正統初
遷右布政使憂去奪情至佐銓剛直勤慎在蜀十餘年績最
著吏部為不逮也賜祭葬

壬辰遣監察御史李琮
鸞王鏜武琦劉訓任寧王震王淵
呂淵等清軍各省

癸巳戶部左侍郎李暹卒暹字賓賜長安人洪武
貢士
永樂初授北京行部戶曹主事調行在戶部坐累左遷清河
監副奉使西南諸夷還進戶部郎中正統初進右通政通政

使內艱起復仍理京儲遷戶侍歷官餘四十年以強敏稱

甲午夜月犯軒轅

乙未南宮等縣野蠶成蠶真足知府張玉稱賀下禮部

丙申增定邊等中鹽納馬例工馬一鹽百二十引中馬一鹽百
引初戶部定工馬百引中馬八十引商病其遠不即赴

丁酉戶部右侍郎張睿內官阮忠巡視提督京通臨清徐淮
倉糧并象馬牛羊房

夜大星赤光自天缸流華蓋

庚子河決山東金龍口陽穀隄

十月丑朔夜大星青白光自虛宿流羽林中曉刻大星犯上將星

癸卯勅戶部右侍郎焦宏往河南陝西抵甘肅巡視倉儲整理屯種

蠲鳳陽揚州岳荆常德長沙襄陽南陽平陽旱災田租

甲辰兵部尚書徐晞致仕子固安縣丞訥庵都督府都事以雲南督餉功

乙巳始授己榜貢士劉震等教授學正監生侯瑛等教諭訓導俱翰林院考定

丙午上畋於南海子

辛亥脩睢磁祥符祀陽武原武封丘陳留安陽臨漳湯陰林縣沙縣決隄

癸丑工部右侍郎李蕡調兵部清理黃運

丁巳翰林院學士錢習禮為禮部右侍郎侍讀儲懋為戶部右侍郎初命吏部與諸尚書都御史推舉可侍郎者咸舉懋等習禮則上自擢

右軍署都督僉事劉廣平賜祭葬

戊午役浙江二萬人疏海鹽永安湖

辛酉翰林院編脩謝璉為侍讀

乙丑都察院右都御史王文鎮守陝西代陳鑑

戊辰翰林院學士曹萬為吏部左侍郎陳循為戶部右侍郎

侍講學士馬愉高穀為禮工部右侍郎侍讀學士苗衷為兵

部右侍郎兼職各如故衷穀並直文淵閣

十一月辛未南京光祿寺少卿張惠為光祿寺卿

壬申太常寺丞戴慶祖王一居為少卿

交趾土官知縣阮世寧頭目黃正等先僑居應山縣不自給

命給俸終其身

癸酉故和寧王阿魯台次子火兒忽答孫願來歸勅迎之

乙亥通政司右叅議侯潤失奏對謫和州知州

丙子隆平侯張淳卒

戊寅故會川伯趙安子英龍為臨沅衛指揮使

癸未戶科給事中王弼為順天府丞

丙戌增濮州同知亳縣縣丞各一

免貴州程番等長官司土民絕戶糧三百石

己丑復史簡河間知縣食從六品俸

辛卯甘肅左叅將都指揮僉事王敬為署右軍都督僉事副

總兵鎮守涼州

夜月犯火星

甲午夜月犯氏宿

丙申錦衣衛指揮僉事陳端補盜於順天保定

己亥吏部右侍郎洪璵卒璵淳安人永樂辛丑進士授刑部

主事改工部使陝西大學士楊士奇才之正統初直經筵進

翰林侍講士奇又薦進吏侍進退人才必詳慎不苟為異同

其妻淫奔士論少之

十庚子朔夜大星赤光自紫微西藩流騰蛇

己巳戶部郎中楊謹巡視福建銀場增處州建寧福州撫民

通判各一時處州盜葉宗留糾眾恣劫

罷江西均徭冊初議自按察僉事夏時頗擾民寢之

丙午吳江縣丞王懋本為知縣

濬長樂縣嚴湖

丁未設曹州以曹縣土廣民稠故析之曹縣知縣范希正為

知州

己酉瓦剌貢使云太師也先求人參木香諸藥陰陽占候筭

卜等書上以其詞悖不予

甲寅野蠶絲製幔褥陳於太廟各祭告

丙辰庀刺使臣皮兒馬黑麻等貢馬八百青鼠皮十三萬銀鼠皮萬六千貂鼠皮二百 上侈之命收其駿青銀鼠皮各一萬貂全收餘令夷自售

雲南千戶王政奉勅幣諭緬甸宣慰男卜刺浪馬哈省索思任發未即遣適晝晦二日 術者曰天兵至矣卜刺浪馬哈省懼以思任發及妻孥部屬三十二人付政思任發已不食桑死政遂斬首函獻京師

談遷曰思任發老緬甸四年矣王莽教再贖武曾不得其

要領一千夫長啣尺一之命遠東身受組非緬甸前倨而

後恭也介使得其人賢於十萬之師鹿走山林命懸於庖

厨任發之死晚矣然儂智高走大理終於不獲則明之威

德遠也

辛酉大慈恩寺禪師也失哩監到自陳乞陞國師 上不允

壬戌廣西盜韋萬王伏誅

乙丑廣西太平府照磨揭冕為試通判冕得夷民心

丙寅正統十一年

正月己朔是日立春上御殿并受朝賀

壬申勅大同總兵官武進伯朱冕宣府總兵官武定侯郭瑄等以西洋河極衛如國初畫河守之

丁丑暫停在京工役二月朔趨事

己卯上南郊

庚辰賜司禮太監王振及各監太監錢僧保高謙曹吉祥蔡

忠白金寶楮絲幣諸物振姪林為錦衣指揮僉事僧保姪亮讓姪王吉祥弟整忠姪英俱副千戶世襲賜振勅褒許甚至瓦剌太師也先請灌頂國師刺麻禪師封號銀印衣飾等以非例不許

壬午復林伯興開州判官食正七品俸

癸未有虎入中都皇陵土城命捕之

甲申禮科給事中李實下獄合州判官劉若冲糾其家居不法也

戊子增鳳陽大名開州同知長垣滑天長縣丞各一專撫民

己丑錢溥服闋補翰林院簡討
庶員吏部驗封主事趙敏為署員外郎

吏部考功主事仍二員

壬辰陽曲知縣燕雲為潞州知州雲初令曲沃撫字有方郡
徵羊數百雲託生日開宴富民爭餽羊如額而止歷陽曲善
治如之秩滿食正六品俸至是巡撫于謙薦陞潞州

甲午脩太廟

乙未白虹彌天

戊戌行人尚褫為南京貴州道御史訓導張承翰為南京河

南道監察御史

復徐彬順德府同知齊郁寧陽縣丞

設遼東苑馬寺永寧監復州龍潭二苑

二己亥朔巡撫山東大理寺右寺丞張驥上三事曰山東旱即

椎初葬之塚殘其骸曰打旱骨椿惡俗宜禁曰臨清千戶所
宜改守禦千戶所除吏目便鞠訟曰永利諸鹽場地近長蘆
即命巡鹽轄之俱報可

壬寅南京中軍都督僉事徐景珩卒賜祭葬

癸卯亦力把力等處地面也密力虎者王八貢

丙午復潘峻東鹿典史食從九品俸
庚戌琉球八貢

太僕寺少卿沈升卒升字志行海寧人永樂甲申進士選庶

吉士授刑部主事預脩大典性理大全等書戊戌進四川右

叅議憂去已調河南尋叅贊薊州軍務宣德未進北京太僕

少卿秩滿餽王振百金玉帶振漫矚之頗失望卒賜祭

談遷曰沈志行富於文學 文皇帝首開瀛洲之選其人

俱譽髦也多坎壈以終志行雖不敢望王英陳故宗輩亦

卓有士望史譏其賂闕振倘亦有牛鼎之意乎鄉人如志

行者未多見奈何深訾之也

甲寅陳垣嗣遂安伯陳英子

乙卯中書舍人龍文為吏部驗封員外郎

夜火星犯平道東星

丁巳廣東徭寇八百餘人掠石城遂溪諸縣

戊午潘府平遥王桔燭費年三十九謚僖靖

處州通判黃聰為同知仍提督銀場

庚申增慶水青田縉雲慶元松陽龍泉縣丞專筦銀場

夜月犯南斗星

辛酉有異氣現華蓋殿金項及奉天殿鷓鴣吻之上遣告天地
禮部請度僧道命如永樂例

翰林院學士蘭從善卒從善磁人永樂末自教諭選侍 皇

太孫宣德初脩兩朝實錄進司經局洗馬正統初脩 宣宗

實錄進學士直經筵悃悃不少飾表裏洞徹於經術則未也

癸亥以春和 下詔寬恤

鄭宏嗣武安侯鄭能子

丙寅協贊陝西軍務陝西道監察御史馬恭為右僉都御史

增開封衛輝彰德通判磁陳判官封丘蘭陽儀封陽武項城

考城汲輝胙城新鄉獲嘉安陽湯陰臨漳縣丞寬馬

丁卯安鄉伯張安與弟寧爭祿下錦衣獄

三戊辰朔禮部右侍郎兼翰林院侍講學士馬愉歸省

下戶部尚書王佐右侍郎諸懋刑部尚書金濂右侍郎丁鑑

馬昂都察院右都御史陳鑑右副都御史丁璿程富於錦衣

衛獄以安鄉伯爭祿法司戶部互委 上怒其緩尋宥之

南京中軍右都督陳政卒

壬申監察御史柳華往督福建浙江江西兵剿礦盜

癸酉 上發京師宿沙河

甲戌至天壽山

丁丑祭長陵獻陵景陵

巳卯吏部聽選官龐昌獻白兔

庚辰上還京

工部右侍郎王佑督脩大覺寺

辛巳前兵部尚書徐晞卒晞字孟

江陰人永樂初由掾史

時營北京授都吏授營繕主事歷郎中改兵部正統初試右

侍郎練兵臨沔鞏昌已叅贊甘肅軍務丙辰召曾授往守莊

浪涼州立儒學尋轉南京戶部左侍郎辛酉轉餉麓川功進

尚書己丑致仕賜祭葬

談遷曰徐晞起刀筆天躋於一陞其視躬有長者風仗馬

箠於西隴南徼之間觸風雪冒炎暑橫身疆場即依日月

之光非云幸也世儒不識時變輒喋此曹子牛馬走不

足於經術嗟予六經且糟粕安所得司空城旦言乎亦顧

其實何如耳

癸未靖遠伯王驥辰墓

嚴偽銀之罪戍邊

夜月食

甲申廣西大藤峽賊流劫

夜大星赤光自左旗流天津後一小星隨之

丁亥召山西按察副使寇深山西署都指揮僉事朱忠等薦其才

駙馬都尉趙輝掌南京左軍都督府事

壬辰起復荊州知府劉永

癸巳暹羅國王思利波羅麻那惹智刺入貢

滄州判官宋訥為知州

免濟南去年災租二萬三千九百七十石

甲午崇信伯費到提督官軍牧馬

召都督同知毛福壽於雲南左叅將右都督冉保協贊鎮守

乙未復嚴肅濟南府經歷俞正七品俸

丁酉夜火星犯平道東星

四 癸卯濬任丘縣凌城港接大河入直沽

丙午召致仕浙江按察使柯暹至京

戊申賑六安衛軍

癸丑命蘓州知府朱勝乘傳赴任勅諭之

乙卯紹興府通判白玉為知府

丙辰延安知府陳蚪為陝西布政司右叅政食正三品俸
丁巳翰林院庶吉士劉文為中書舍人仍隸四夷館

戊午遣諭麓川思機發

賜雲南芒市長官司長官放草綵幣嘉其去年助討麓川功
右僉都御史盧睿叅贊寧夏軍務代大理寺丞羅琦

庚申五臺山僧請脩圓通寺 上難民力不允

辛酉進士王竑為戶科給事中監生子泰蘓霖禮兵科給事
中

甲子安南琉球入貢

訓導李俊祝傑戴驥王珉為監察御史專辦銀課

乙丑設雲南景東衛儒學

丙寅陝西大雨水傷人畜民饑命有司存恤

丁卯翰林院侍讀周叙遣祭衡山訖過其冢被訐不問

五月初巳夜大星青白光燭地自天市東垣流牛宿後二小星隨
之

辛未起復山東布政司右叅議張允中仍理易州薪炭

甲戌國子祭酒李時勉再乞休不允

乙亥免黃巖寧海天台臨海去年灾糧二萬八千餘石

戊寅夜月犯亢星

庚辰高唐夏津蝗

辛巳青州旱許布折夏麥

戊子起復石阡府經歷楊彬

除林縣荒田租

會昌伯孫忠舍人倍徵子錢被劾 上宥忠舍人鉄嶺衛

己丑封張元吉正一嗣教冲虛守素紹祖崇法真人領道教

事

先是四川歪地等寨番人作亂鎮守都指揮王杲高廣不能

制廷議推都督同知宮聚都督僉事陳崇 上欲撫之命山

西按察副使寇深鴻臚寺署丞祁全往諭

壬辰封晉府美鳩永和王公錫秦世子公鐸沂陽王公鍊保

安王

免冀州南宮寧晉柏鄉去年旱租四千五百九十七石

甲午監察御史李俊提督福建銀場

禁京城外蠶禁時太監賈亨僧保內官雲保山黃義俱私陶

下獄

脩南京大報恩寺

乙未前軍都督僉事鄭通卒賜祭葬

六月酉朔內使阮愷擅啟寶藏庫鑰特僇之

戊戌亦力把力等處地面也器力虎者八貢

己亥勞廣西吏卒

免嘉興湖台災租十一萬七千八百餘石

庚子免順德去年災租萬一千二百餘石

壬寅琉球中山王尚忠表賀今年正旦

停懷慶轉餉陝西時陝西稔

以戶部右侍郎焦宏請延安芻給自近縣從之

右僉都御史馬恭協贊延綏都督僉事王禎軍務

癸卯光祿寺卿柰亨秩滿為戶部左侍郎署寺事

丙午安南八貢

戊申光祿寺卿張惠為四川右布政使

青廣東都指揮何貴左布政使吳揚僉事楊輔等勒高雷等

叛徭

辛亥脩京城

甲寅曉刻大星青白光流雲中後二小星隨之

丙辰山西按察副使寇深為右僉都御史提督松潘兵備

夜地震有聲

壬戌進士章綸為戶科給事中

木邦宣慰使罕蓋法求麓川地鎮守雲南太監蕭保總兵官沐斌侍郎楊寧議已設隴川宣撫司惟餘孟止地上命覈之卒從所請

癸亥勅占城國王摩訶育該以安南訴其侵升華思義近又攻化州也又勅三年一貢泊廣東市舶提舉司河或瓊州

甲子久雨渾河溢固安

七月卯朔晉州請疏滹沱河故道脩隄岸命俟秋成

己巳封友垓蜀世子豪壘松滋王

戶部右侍郎張濬提督京倉糧料焦宏還部

庚午遼府應山王貴嬬薨年三十三謚悼恭

設四川思叢日安撫司頭目阿思觀為安撫轄松潘

辛未順天河間保定應天鎮江松江蘓常太平寧國池杭州嘉興開封衛輝各五月六月大雨水傷稼遣視

癸酉復各處稅課司局凡辦鈔萬五千貫悉復設然增俸而課實如故也

甲戌選朝覲卓異慶雲典史趙亮為知縣

海門縣丞郭得秩滿被留進通州判官

京都太倉大寧中衛倉火

丙子工部尚書黎澄卒賜祭葬

談遷曰自漢以來遠夷俘隸得列文戟叨右職而今終為
難黎澄以季薛之逆屬傾否圖新白首冬暑雖僅効神槍
之技亦稅侯之流亞也讀南翁夢錄述陳氏興替愴然有
餘悲焉首丘之感夫所謂越吟耶

庶辰大理寺右少卿沈聚秩滿進左少卿仍直內府

少保禮部尚書兼武英殿大學士楊溥字弘濟石首人

洪武庶辰進士授翰林編脩永樂初直東宮進司經局洗馬

後坐累繫獄十年仁宗即位釋之擢行在翰林院學士尋

進太常寺卿兼學士未幾直弘文館宣德初總裁兩朝實錄

憂去奪情進禮部尚書兼學士至上進少保兼武英殿大

學士時同官楊士奇以學榮以才溥以度天下引領望治焉

贈太師謚文定賜祭葬孫壽蔭尚書司丞

上濟曰我朝相業三楊偉矣然當其時南交叛逆軒龍易

位勅使旁午頻泛西洋曾無一語椎歸常侍遠征麓川兵

連禍結極於土木之變誰實啟之

鄭曉曰西楊士奇玉質金相通達國體東楊榮揮斤游刃
遇事立斷南楊安貞履節調羹醴醴參合成名並稱賢相
云予聞之先人曰文貞輔導監國危心慮患卒能保其身
以濟其主文敏經略北塞金湯萬里有武蹟焉文定中更
險難比入內閣遲二楊者二十三年復還弘文再入內閣
昭皇后臨朝與民休息四海宴然皆其力也

癸未吏部右侍郎趙新曹義文選郎中張琛禮科給事中章
瑾等下獄初新私其從子澄令壻瑾囑琛不從及佐銓相忤
又受知縣洪鈞賂薦銅仁知府事發并劾及尚書王直工

宥直餘下法司俱釋

甲申金星晝見

上聞沙州衛都督僉事喃哥等陰附瓦剌命甘肅總兵官寧
遠伯任禮等密執之

丁亥夜火星犯氏宿

戊子勅思機發入朝量授爾官又勅孟養護爾家屬毋失
兵部左侍郎侯璉叅贊雲南軍務代楊寧

壬辰招遠伯馬亮卒亮淇人靖難初自百戶歷都指揮使屢
北征洪熙初進右軍右都督宣德初征漠虜人進左都督正

統九年出塞征胡至黑山大松林流沙河俱捷得封勇悍善
騎射戰輒當先為時驍將賜祭葬謚榮毅

癸巳起復應天府尹

甲午 教諭林祥鳳為貴州道監察御史

八湖免湖廣田租四十二萬八千二百七十餘石

叅贊寧夏軍務大理寺右寺丞羅綺下款先以陝西署都指揮僉

事陳斌等總兵官都督同知黃真屢奏其貪酷也至是入朝

下法司擬贖 上改錦衣 獄引伏於是錦衣指揮同知馬

順等劾右都御史陳鑑右副都御史丁璿刑部尚書金濂右

侍郎薛希理馬昂大理寺卿俞士悅寺丞廖莊張冀蒙蔽

上責狀謫綺戍邊

右軍左都督蕭授卒授華容人世府軍右衛千戶從靖難歷

河南都指揮同知改總兵官鎮守湖廣貴州進右軍都督僉

事宣德末進都督同知正統初召還年 賜祭葬

己亥陝西按察僉事莊觀為副使仍提督學校

壬寅夜月掩心星

丁未作通州八里庄橋

戊申黎城知縣李善為汾州知州

免濱州田租

己酉武昌火

辛亥增延安府同知一

江陰人劉源工司馬法注五篇

癸丑裁烏蒙東川軍民府知事檢校

復張亨沙河典史食從九品俸

庚申吏部尚書王直右侍郎趙新曹義署光祿寺事戶部左

侍郎李亨相訐被劾各下獄

辛酉禮部右侍郎錢習禮署吏部

徐榮服闋仍藁城知縣

遣視大名廣平真定順德廬淮安慶濟南東昌青萊水災

河州衛番僧加失領真在罕東衛通瓦刺至是來朝安置南

京

癸亥沙州衛都指揮同知桑哥失力來朝願率所部三十家

內徙甘州許之

乙丑右軍都督僉事魯失加卒莊浪衛西大通人

九月寅朔遣視徐州南陽太原兗登武昌長沙襄陽岳黃荆漢

陽德安常德水災

前左副都御史李濬卒濬字伯瀟武定人監生擢四川道御史憂居告漢唐人之變進右僉都御史正統初巡撫遼東邊事大飭進右副都御史八年致仕賜祭葬

己巳宥王直曹義奪趙新俸二月李亨三月

禁邊衛官舍取直輸草

辛未火星犯天江金星犯軒轅

癸酉增新會縣丞筦糧

丙子沙州衛都督喃哥兄弟不協部衆有二志甘肅總兵官任禮先招諭而大兵乘之遂入居甘州塞凡二百五戶千二

百三十餘人

丁丑夜雷電

己卯夜大星赤光自紫微西藩流近濁

庚辰勅緬甸宣慰使卜刺浪馬哈者以速刺曰爾能調夷兵南據婁里北渡金沙思機發立可擒勿為他人功時緬甸請孟養泄里之地

辛巳廣西猺賊流劫化州執知州茅自得索贖殺千戶汪義命廣東立營界上調兵戍之

有僧私立寺於彰義門外下法司戍邊

禁應天鎮江太平寧國湖濱淺灘築圩耕種以巡撫工部
左侍郎周忱言壅水妨民也

沙州衛都督喃哥弟鎖南奔就婚罕東衛上聞其臣瓦剌
偽封祁王命總兵官寧遠伯任禮遣人招撫之

丙戌陳文服闋補翰林院編脩

夜月犯五諸侯星

丁亥勅漕運總兵及諸巡撫官曰租稅出民漕輓以軍
勞苦矣所司不恤復侵擾之卿當加意暴官汙吏必致之

法

夜金星犯木星

戊子兵部言瓦剌太師脅哈密忠順王及王母頭目陝西丁
等徃瓦剌屬其整兵聽調報聞

己丑夜月犯軒轅曉刻金星犯太微垣右執法

辛卯右副都御史程富叅贊甘肅軍務代曹翼

壬辰前都察院右都御史顧佐卒佐字禮卿太原人建文庶

辰進士授莊浪知縣治邑瘴平永樂初拜監察御史守正嫉

邪久之進江西按察副使勤敏威嚴奸黠匿遁三歲餘拜應

天府尹人擬包拯勲戚豪貴不利佐出貴州按察使未行

仁宗即位改通政使。宣宗三年進右都御史益振風采時
貴歛跡後居其位者莫及也家居十餘年故迪後學賜祭墓
癸巳刑部右侍郎馬昂改右副都御史參贊甘肅軍務
赤斤蒙古衛都指揮鎖合者來朝初若木娶西番女生塔力
尼又定娶生鎖合者輩古者乃三分其部自領中帳塔力尼
領左鎖合者領右至且旺失加阿速父子相繼長赤斤部衆
強欲并右帳相仇殺鎖合者迫故自歸
夜大星青白光流大餘倍大如碗光燭地東沒於軒轅
是秋陝西大稔

十丙申彭城衛南新倉火

始遣戶部主事允漕

漕運總兵官後軍都督僉事武興為都督同知

監察御史虞禎降博平知縣禎巡按貴州劾畢節衛教授孫

隱訐其醜酒鬻廩俱徵下錦衣獄

曉刻金星犯太微垣左執法

丁酉暹羅瓜哇占城俱入貢

申禁文武官訐奏

疏常州孟濟河

戊戌瓦剌入貢

曉刻木星犯太微右執法辛丑復犯

己亥汝寧同知張鑑為知府

夜大星青白光自天紅北流鉤陳

辛丑守備獨石左叅將都督楊洪邀獲瓦剌部屬三十人

上以非寇邊命遣之入京

癸卯巡按浙江監察御史黃裳言御史給事中考滿黜陟取

上裁其後吏部奏定近年三品以上廷臣保陞夫科道專糾

察叅駁若考滿待陞求如文彥博之薦唐介呂夷簡之舉范

仲淹幾何人哉乞今後吏部照例陞授 上是之

兵部尚書鄭瑄等上集議禦下方略蓄糧邊境增大同東西

路宣府古北口延綏之臺營之成乞二大臣巡視西北邊俱

報聞

復梁瑄邢臺知縣俞正六品俸

己巳瓦剌也先遣使奄克求見大同鎮守太監郭敬且云也

先兵往兀良哈回乞餉 上勅敬奉命守邊辭不敢擅見京

師儲峙如山爾可自請也仍傳語爾攻兀良哈已勅邊將勒

兵宜禁所部毋近邊恐難辦也

丙午中都留守司正留守蕭讓卒賜祭

夜金星犯進賢星

丁未賑淮徐濟寧災民免田租

命蔭襲都指揮幼劣者即本司帶俸操練俟年長練達選任
戊申西安水利通判黃鏞請鑄溉田之數用水之期於石廣
人遵畏從之

壬子許罪人於通州轉粟龍門開平二衛自贖

癸丑夜大星青白光燭地流雲中後二小星隨之

甲寅遣給事中御史分勞邊卒各一金共二十五萬七千一

百五十三金

遼東都指揮使裴俊卒賜祭

乙卯夜月犯五諸侯星

丁巳設女直塔山左衛

己未勅瓦剌太師也先曰來使把禿不花等不由大同貢道
自塞外險路值巡軍不明言貢使幾悞勅特宥不問館待尤
厚今後須齎鉄牌印符入大同

辛酉桂林中衛指揮同知武毅屢殺賊進署都指揮僉事守
備鬱林州

甲子命吏部推監司郡守第舉其人許定秩其由掾吏必
軼才清譽方保薦

雲南按察使賴巽卒巽廣昌人永樂乙未進士授御史按蘓
松糾治豪猾考察湖廣斥叅政以下三百餘人進雲南按察
副使至今官

十一丙寅陝西都指揮同知楊得乞募西安沿山獵戶土民復其
家殺賊有功例賞分命都司官訓練班軍從之

丁卯山西布政司檢校劉因為曲陽知縣
戊辰裁四川烏撒軍民府

己巳夜月犯壘壁陣西星又大星青白光燭地後數小星隨之
沒於鬼宿

庚午命浙直織紵羅綾紬錦九千匹

辛未改舊禮部為貢院

乙亥誅內使吳忠及養子勇士欽以欽唆訟也

丙子淮王瞻塹薨王母李氏初國韶上以韶瘴徙饒州王

嘗從左右有他請長史上海李伯嶼曰朝廷之上有賜無求
賜則惠求則瀆王疾府中人欲祈福伯嶼曰何如貸丁錢以
甦衛士之困王皆從之年三十七謚曰靖

已卯肥河衛都督僉事別里格嘔罕河衛都督僉事你哈答
俱為都督同知
錦衣衛指揮僉事李效良致仕子榮襲效良銀工直御用監
精陞
夜月生暈參昇五車諸宿圓焉

庚辰勅雲南署都指揮僉事司詔提督屯種

蠲順天淮安廬徐沂宿瀘廣安田租

辛巳戶部雲南司主事胡紀為吏部文選員外郎
甲申封子學汝陽王友播內江王友城德陽王

重給瓦剌也先順寧王駝紐金印初永樂舊印失於兵
廣西思恩府為思恩軍民府

壬辰夜月犯心宿

癸巳右副都御史周銓調南京仍督理糧儲翰林院侍讀周
叙為南京翰林院侍讀學士監察御史齊韶為南京刑部右
侍郎大理寺左寺丞廖莊為南京大理寺左少卿

前右軍右都督吳亮卒於武昌亮來安人以青州護衛副千
戶從靖難進旗手衛指揮僉事宣德中進湖廣都指揮僉事
尋充總兵官總督漕運兼鎮守淮安正統初進都指揮同知

平新淦賊進都督僉事嘗佩征南副將軍印鎮貴州至進右
都督改雲南已還視右府事致仕亮饒智略每用兵不嗜殺
故蠻夷懷附惟寬簡喜文學至老手一編不輟賜祭塋

十二月周府災

庚子進士涂謙馬垓陳叔紹為監察御史

壬寅燕山右衛帶俸都指揮使董興大寧都指揮僉事田禮
錦衣衛帶俸都指揮僉事范雄張軌俱署都督僉事

京城大雷雨

癸卯設廣西巡檢司三十六所

故少師楊士奇子林蔭國子監生

甲辰遣左通政王錫祭西嶽西鎮太常寺丞李宗周祭境內

山川時甘肅疫

置銅鼓衛儒學

乙巳代王桂薨王母惠妃郭氏初封豫王後封代國大同王

與蜀王同母蜀賢而王暴建文時廢為庶人如使蜀觀法永

樂初復國不悅屢勅讓之召王不至再召乃朝草三護衛王

老矣尚時與子遜料遜短衣藜帽袖錘斧傷人市中誘納

軍民婦女入宮移怒其子遜喘女子出居外舍於山西行都

司甚困王妃徐妬甚有寵其侍女二人冀其口添其身復令
衛卒誘去之年七十二謚曰簡

談遷曰傳云仁者壽代簡王之傲狠悖慢屢屢訓戒拘囚
困辱不記建文時耶以同氣由貸其不為齊谷之續者無
幾矣而享國獨永反出諸王上噫是遵何德哉

增南京戶部主事四人

丙午築登州河隄

戊申夜月犯五諸侯星又大星青白光自房宿流近濁後二
小星隨之

己酉雲南左叅將右都督冉保卒

辛亥夜月犯軒轅

壬子免順天大寧災租

癸丑夜月犯木星復犯太微垣左執法


乙卯楚府景陵王孟昭薨年五十三謚順靖

丙辰復沈敬浙江按察僉事食正四品俸

戊午陝西逋負食鹽鈔折徵米麥豈布絹

壬戌四川都指揮僉事徐貴郭禮孫敬分守松潘貴自西寧
闔至平夷堡禮自金瓶崖至靖夷堡敬自永鎮堡至新堡

戶部郎中楊謨招閩浙盜礦流民三千五百三十九戶
癸亥進尾刺使臣都指揮使把伯都督僉事



程